

EDENAN’I SATANA

Ndao isika hiondrika. Andriamanitra Malala, mankasitraka Anao izahay izao hariva izao ho an’ity fanararaoatra lehibe ity, tonga indray amin’ny Anaran’ny Tompo Jesosy, mba hiatrika ny fahavalonay, ny Fahavalonao, eto amin’ilay tanin’ady; miaraka amin’ny Teny, handroaka azy hiala eto afovoan’ny Vahoakanao; mba hahafahan’izy ireo hahita, izao hariva izao, Tompo, ny Fahazavan’ny Filazantsara. Mivavaka aho mba Hanosoranao ny masonay amin’ilay odi-maso, mba hahafahany hisokatra amin’ilay Fahamarinana; mba hahafahanay miala eto, ka hiteny ao am-ponay hoe, “Tsy nangorakoraka ve ny fontsika raha niresaka tamintsika Izy teny an-dàlana?” Sitrano ny marary sy ory. Ampaherezo ny kivy. Atsangano ny tànana malemy izay niraviravy fahiny. Enga anie izahay hijery an’ilay Fihavian’ny Tompo Jesosy, izay inoanay fa efa antomotra. Mangataka izany amin’ny Anaran’i Jesosy izahay. Amena.

Mahazoa toerana.

² Hiezaka aho ny ho fohy izao hariva izao, satria fantattro fa maro no avy any amin’ny ampaham-paritra samihafa, mba... ho an’ny fotoana; na nijanona, ny sasany aminareo, nefo tsy maintsy hiverina, angamba ho lèlana lavitra hiverenana. Ary misaotra anareo aho. Izao maraina izao dia te-handre andRahalahy Neville aho, ny tenako. Ary efa nandre azy matetika aho, ary tsy nandre azy mihitsy na indray mandeha aza ka hoe tsy nankasitraka azy aho. Fa aninkeo maraina, ilay hafatra araka ny fotoana ilàna azy indrindra, dia fantattro fa nahazo ny fitarihan’ny Tompo aho hihaino an’izany aninkeo maraina. Tena mahafinaritra! Ary hitako hoe nahoana ianareo vahoaka no tia ny ho tonga sy hihaino azy, ihany koa. Hanao anareo ho tsara foana izy, azoko antoka, ny mihaino azy.

³ Niezaka ny hahazo fifampiresahana anankiray aho androany; aninkeo maraina sy izao tolakandro izao. Mbola manana maro, maro, maro haleha aho. Ary izaho...

⁴ Koa, mino aho, fa i Jetro no niteny tamin’i Mosesy indray mandeha, nanao hoe, “Mavesatra aminao loatra izao.” Noho izany, dia manana rahalahy betsaka isika eto ho an’ny olanareo. Ary ny tsirairay amin’izy ireny dia ara-panambadiana, ary izy ireny dia zavatra tsara izay tokony ho sahanina. Ary nanoro ny pasiterantsika aho, na Rahalahy Mann, sy ireo mpitoritenin’ny Finoana eto. Afaka mankany amin’izy ireo ianareo. Izy ireo no hiteny aminareo tanteraka mihitsy ny zavatra hatao; ny olona sasany, ireo zanany; fanambadiana mifangaro, na zavatra izay tsy mety. Ary ireo lehilahy ireo dia afaka manampy anareo

mihitsy toy ny-toy ny anankiray hafa, satria mpanompon'i Kristy izy ireo. Ary mankanesa any amin'izy ireo, fa azoko antoka fa izy ireo dia—izy ireo dia hanome anareo ny fanampiana izay ilainareo. Tsy ho vitako izy rehetra ireo. Tena misy maro loatra mihitsy, na aiza na aiza alehanareo. Angonin'izy ireo miha-avo sy miha-avo fotsiny, hitanareo. Ary—ary tianareo ny hahavita ny tsirairay amin'izy ireo, saingy tsy vitanareo izany. Fa mivavaka tsy mitsahatra aho mba Andriamanitra, amin'ny fomba rehetra, no handamina tsara an'izany ho anareo.

⁵ Ankehitriny, izao hariva izao, dia handeha ao amin'ny Soratra isika, ka hamaky ampahany anankiray ao amin'ny Soratra avy ao amin'ny Genesisy, ny toko faha-3; ary hiverina hitodika kely fotsiny amin'ireo zavatra izay noresahantsika, tamin'ny andro lasa, ka hahita raha hanome antsika zavatra kely amboniny ny Tompo Jesosy ny amin'izay ho fantatsika rehefa mivoaka isika. Mivavaka aho—mivavaka aho mba Hanaovany.

Ary ny menarana dia fetsy indrindra noho ny biby rehetra tao amin'ny saha izay nataon'ny TOMPO Andriamanitra. Ary hoy izy tamin'ilay vehivavy, Hay, Andriamanitra no nilaza hoe, Tsy azonareo hihinanana ny hazo rehetra eo amin'ny saha?

Fa hoy ilay vehivavy tamin'ny menarana, Azonay hihinanana ny voan'ny hazo eo amin'ny saha:

Fa ny voan'ny hazo izay eo afovoan'ny saha, no nataon'Andriamanitra hoe, Tsy azonareo hihinanana izany, sady tsy azonareo tendrena izany, fandrao maty ianareo.

Ary hoy ny menarana tamin'ilay vehivavy, Tsy ho faty tsy akory ianareo:

Fa Andriamanitra dia mahafantatra fa amin'ny andro izay hihinanareo azy, dia hisokatra ny masonareo, ka ho tahaka an'andriamanitra ianareo, hahalala ny tsara sy ny ratsy.

Ary rehefa hitan'ilay vehivavy fa tsara ho fihinana ny hazo, sady nahafinaritra ny maso, ary hazo mahatsiriritra mba hampahendry, dia naka avy tamin'ny voany izy, ka nihinana, ary nomeny koa ny vadiny niaraka taminy; dia nihinana izy.

Dia nisokatra ny mason'izy roa, ka fantany fa nitanjaka izy ireo; ary niaraka nanjaitra ravin'aviavy izy ireo, ka nanao sikina ho an'ny tenany.

⁶ Enga anie ny Tompo hanampy ny... Ny Fitahiany ho an'ny famakiana ny Teniny. Ankehitriny dia tiako ny haka lohahevitra anankiray izao hariva izao, avy amin'izany, ka hataoko hoe: *Edenan'i Satana*. Tena zavatra kely mandona ny milaza, hoe, *Edenan'i Satana*. Izany dia mitovy karazana, tamin'ny Alahady

hariva lasa teo, mino aho, rehefa niresaka taminareo aho teto mikasika ny hoe *Ny Fanatatavanan'ny Lehilahy Misaina Anankiray*, sy ny tsiron'ny lehilahy masina anankiray.

⁷ Ary matetika ireny fitenenana kely mandona ireny dia mitondra antsika amin'ny zavatra anankiray; manao antsika hianatra izany, ary mametraka anareo hamaky ny Teny. Ary izany no tiako hataon'ny fiangonako rehetra. “Tsy ny mofo ihany no iveloman'ny olona, fa ny Teny rehetra izay aloakny vavan'Andriamanitra.” Noho izany, dia vakio ny Teny; ianaro Izany. Ary ianaro amin'ny mason'Andriamanitra Izany, mba hanome fahazoana ho an'ny fahalalanareo ny amin'ny tokony hiainantsika ao anatin'izao andro ankehitriny izao.

⁸ Ankehitriny raha tonga eto, izao hariva izao, ka hiresaka fotsiny aminareo, hilaza hoe, “Eny, vitako ny hanao an’ity na itsy, . . .”

⁹ Tiako ny miresaka amin'ny olona, tahaka ny hitiavako mihitsy aza ny hody any an-trano miaraka amin'ny tsirairay aminareo izao hariva izao. Izaho... Andriamanitra no mahafantatra fa izany no fahamarinana. Te-hody any an-trano miaraka amin'ny tsirairay aminareo aho, ary—ary hihinana—hihinana sakafotra maraina miaraka aminareo amin'ny maraina, ary—ary—ary hivoaka ka hihaza vontsira miaraka aminareo rahampitso tolakandro, hitanareo. Izaho—izaho dia te-hanao an’izany, saingy izaho—izaho tsy afaka manao an’izany. Ary tiako ny hody any an-trano dia mipetraka fotsiny sy miresaka miaraka aminareo; mipetraka eo ambonin'ny lavarangana aorian'ny fotoana, ary miresaka miaraka aminareo vetivety, miresaka aminareo mikasika ny fombam-piainanareo sy mikasika an'Andriamanitra. Tiako ny hanao an’izany. Ny lehilahy sy ny vehivavy ato; Andriamanitra no mahafantatra fa te-hanao an’izany, saingy tsy vitako ilay izy. Hitanareo, misy betsaka loatra—betsaka loatra ny sintona sy fitarihana.

¹⁰ Ary—ary ao amin'izao taona mikorontana izay iainantsika izao... Ary izaho dia olona mikorontana anankiray, ny tenako. Androany dia nanapa-kevitra aho ho an'ny zavatra anankiray hoe, “Tsy maintsy hataoko ilay izy,” fa rahampitso dia any amin'ny iray tapitrisa maily miala eo amiko ilay izy; nisy zavatra nitsivalana ka nanao an’ity sy itsy. Ary manana fotoana anankiray ianareo, miezaka hanambatra ny fahakingantsainareo.

¹¹ Fa ny zavatra lehibe efaiko dia ny mitory ny Filazantsara amin'ny Fianganana, ary manao izay rehetra vitako mba hitondra voninahitra ho an'i Jesosy Kristy amin'izao andro izao, raha mbola eto an-tany eto aho, ary amin'ny andro izay hijanonako eto an-tany. Tonga aho mba—mba hiezaka hilaza zavatra anankiray aminareo izay hanampy anareo; zavatra anankiray. Nianatra aho taorian'ny nodiako tany an-trano

aninkeo maraina. "Inona no azoko ho lazaina izao hariva izao, Tompo, izay hanampy an'ireo olona ireo?"

¹² Teo am-pihainoana an'ilay hafatra mahery aninkeo maraina ny amin'ny... Rahalahy Neville no nitondra tamintsika, mikasika... Heveriko fa tena nahafinaritra ilay izy, fa hoy izy teo hoe, "Ny dokotera dia hitily an'ilay fisehon-javatra; fa ilay lehilahy izay tonga miaraka amin'ny lovia feno fanjaitra kosa, izy no manao an'ilay tsindrona." Noho izany dia nihevitra aho fa izany tokoa no—no tena fitenenana kely mahafatifaty anankiray. Nieritreritra an'izany aho hoe, "ilay serôma, rehefa voatily ilay fisehon-javatra." Koa dia zavatra tena tsara anankiray izany.

¹³ Te-hiresaka zavatra anankiray taminareo aho, hitondra zavatra anankiray mba hanazava anareo ny amin'ny teny fikasan'Andriamanitra ho an'izao taona izao. Hitanareo? Zavatra anankiray, tsy zavatra anankiray izay naха-izy ny olona iray tamin'ny andro lasa, fa zavatra anankiray... ka rehefa... Tsara ireny zavatra ireny; isika rehetra dia manondro an'ireny zavatra ireny. Saingy nieritreritra aho fa hiezaka hitondra zavatra anankiray ao amin'ny fisainanareo aho, miaraka amin'ireto Soratra izay nosoratako eto ireto, izay hanazava anareo, mba hahafantatra, hanao anareo ho miaramila tsaratsara kokoa eo amin'ny saha izay iadianareo ankehitriny; hianatra ny tetik'adin'ilay fahavaloo, mba hahafahanareo misakana ny zavatra rehetra alohan'ny hahavoazany anareo, hitanareo. Izany no zava-dehibe, dia ny mianatra misakana an'ireo—ireo totohondry hiala aminareo, arak'izay vitanareo.

¹⁴ Ankehitriny, ndao isika hijery an'ity lehibe... mandritry ny minitra vitsy, ity andro lehibe, feno ota izay iainantsika ankehitriny ity. Tsy mino aho hoe efa mba nisy andro anankiray izay efa mba novakiako tao amin'ny tantara... Efa nisy ireo andro lehibe an'ny fanenjehana, izay namonoana ho faty an'ireo zanak'Andriamanitra tamin'ny lafiny rehetra. Fa ny fahitana an'ireo famitahan'ilay fahavaloo kosa, dia tsy mbola nanana andro anankiray tahaka an'izao iainantsika ankehitriny izao mihitsy isika. Izao no andro fetsy indrindra, feno fitaka. Ary rehefa hitako izany, izany no nitondra an'izao, hoe, ny Kristiana dia tokony hiambina bebe kokoa noho ny naха-izy azy tao amin'ny taona rehetra hatramin'izay.

¹⁵ Ankehitriny, tamin'ny andron'ny fanenjehana fahiny, an'i Roma, tamin'ilay Fiagonana; raha manao fahadisoana anankiray ny Kristiana iray, dia niditra tao amin'ny kianja izy ary natao sakafon'ny liona, na zavatra tahaka an'izany, rehefa hitan'izy ireo fa Kristiana izy noho ny filazàny. Fa ny fanahiny kosa dia voavonjy, satria izy dia mpino an'Andriamanitra madio, tsy nifangaro, ary nanisy tombokase am-pifaliana ny filazàny tamin'ny ràny. Rehefa namela hirarako ireo làlan-drà, na ireo lavaka teo amin'ny vatany, ka nivoaka ny rà, dia nikiakiaka

izy, tamin'ny finoana tena mahatoky, ka nanao hoe, "Raiso ny fanahiko, Tompo Jesosy!"

¹⁶ Fa, ankehitriny, ilay hafetsen'ny devoly ankehitriny, manao ny olona hino fa izy ireo dia Kristiana nef a tsy izy. Izay ilay zavatra. Tsy mila manisy tombokase ianareo... Izao no—izao no andro fetsy noho izay efa nisy, izay tokony hanisianareo tombokase ny—ny fiainanareo miaraka amin'ny filazanareo. Nametraka ny fandrika fetsy rehetra izay azony atao ny devoly, mba... Mpamitaka anankiray izy. Ary Jesosy no niteny tamintsika, ao amin'ny Matio 24, hoe ho toy ny inona izao andro izay iainantsika izao, ilay andro feno fitaka indrindra izay iainana, "tena mifanakaiky hany ka hamitaka an'ilay tena Voafidin'Andriamanitra izy raha azony natao ny hamitaka."

¹⁷ Ankehitriny ndao isika hampitaha Soratra vitsivitsy, na faminaniana voalaza ao amin'ny Baiboly, ho an'izao andro izao, ka hampitaha an'izany amin'ny andro izay iainantsika ankehitriny.

¹⁸ Ao amin'ny Timoty Faharoa 3, ianarantsika izany, fa ny mpaminany no nilaza, hoe, "Izao no ho tonga amin'izany andro izany, fa ny olona ho kirina, mpieboebo, tia ny fahafinaretana mihoatra noho ny fitiavana an'Andriamanitra." Ampitahao izany ankehitriny, mandritry ny fotoana vitsy fotsiny. Isika tsy... Hafohezintsika fotsiny ilay izy, satria tsy manana fotoana betsaka isika handinihana azy rehetra arak'izay tokony handraisantsika azy; fa mba hanisy fahazavana an'ilay izy fotsiny, mba hahafahanareo mahita rehefa tonga any antreno ianareo ka hianatra an'ilay izy. "Kirina, mpieboebo, tia ny fahafinaretana mihoatra noho ny fitiavana an'Andriamanitra; mpanontolo fo, mpanendrikendrika, tsy mahonom-po, tsy tia ny tsara." "Ankehitriny ny Fanahy no miteny mazava tsara fa hisy ireo zavatra ireo amin'ny andro any am-parany." Izao andro izao izany, miresaka an'izany ilay faminaniana.

¹⁹ Ankehitriny isika dia mamaky, ihany koa, ao amin'ny Apokalypsy... 14, Apokalypsy 3:14, raha ny marina, ilay Taonan'ny Fiagonana Laodikia, hoe hanao ahoana ilay fiagonana amin'izao andro farany izao. Fa izy dia ho, hoy Izzy hoe, "Hipetraka toy ny mpitondratena izy ary tsy hanan-javamahory. Izy—izy dia nanan-karena, nihary fananana be, nef a tsy fantany fa izy ireo no ilay malahelo, mahantra, ory, jamba, ary mitanjaka, nef a tsy fantany izany." Ny... Ankehitriny, tsarovy, miresaka amin'ilay fiagonana an'izao taona izao Izzy, "ory, jamba, mitanjaka, nef a tsy fantany izany." Io fehezan-teny farany io, io Teny farany io, no mahatonga an'ilay izy ho tena mandona mafy. Mihevitra izy ireo fa feno tsara ny Fanahy izy ireo, efa vonona izy rehetra. Ny Taonan'ny Fiagonana Laodikia dia ny Taonan'ny Fiagonana Pentekotista, satria izy no taonan'ny fiagonana farany. Nanana ny hafany i

Lotera; nanana ny hafany i Wesley; ary nanana ny hafany ireo Pentekotista.

²⁰ Izao koa, Nolazainy, fa, “Satria matimaty ianao, sady tsy mafana na mangatsiaka,” ilay fihetseham-po ety ivelany, ilay fandraisana ara-tsaina ny Filazantsara; “satria,” hoy Izzy, “toy izany ianao, dia Haloako avy amin’ny Vavako ianao.” Amin’ny teny hafa, dia nankarary Azy ny njery an’ilay fiangonana tao amin’izany toerana izany.

²¹ Ary, tsarovy, naloan’izy ireo Izzy; ary tany ivelan’ilay fiangonana Izzy, niezaka ny hiverina ao anatin’ny, tao anatin’io Taonan’ny Fiangonana Laodikia mampahatahotra io.

²² Ilay andriamanitr’izao tontolo izao ankehitriny, ilay olona tompon’ity izao tontolo izao ity ankehitriny, dia Satana. Ary ny olona dia tsy mahafantatra hoe manompo an’i Satana, saingy Satana no manao ny tenany ho fiangonana, hitanareo, ho fiangonana. Manompo an’i Satana izy ireo, mihevitra fa hoe manompo an’Andriamanitra izy ireo amin’ny alàlan’ny fiangonana, saingy izay no fomba nanaovan’i Satana an’ilay izy.

“Oh,” hoy ianareo hoe, “fa andraso iray minitra; mitory ny Teny izahay.”

²³ Mijere indray an’ity lohahevitro eto ity, izao hariva izao. Satana no anankiray nitory ny Teny tamin’i Eva, voalohany, “Hoy Andriamanitra hoe,” hitanareo.

²⁴ Io fandikana diso an’ilay ampanan’ny Soratra io no ampiharina amin’izao andro izao. Hamela anareo hahafantatra izy fa izay rehetra nataon’i Jesosy dia tena tsara tanteraka. Hamela anareo hahafantatra izy fa izay nataon’i Mosesy dia tena tsara tanteraka. Fa rehefa raisinareo ireo teny fikasana izay nomen’Ireo ho an’izao andro izao, amin’izay fotoana izay dia hoe nampiharina tamin’ny taona hafa Izany. Izay fotsiny ihany no tsy maintsy hataony, hitanareo, dia ny hitarika ny olona hino an’Izany amin’izay fomba izay, ary izay—izay ihany. Fa, “Tsy mahazo manaisotra Teny iray amin’Izany ianareo, na manampy teny iray amin’Izany.” Saingy izany no nataony.

²⁵ Ny olona, dia tsy mahafantatra hoe manompo an’i Satana, mihevitra fa hoe manompo an’Andriamanitra izy ireo; araka ny nampitandremana antsika tamin’ny alàlan’ny faminaniana, ao amin’ny Tesaloniana Faharoa. Fa, ndao vakantsika mihitsy izany, Tesaloniana Faharoa, ny toko faha-2. Ndaeo raisintsika vetivety fotsiny izany, raha vitako, avy hatrany. Tiako ny hamaky an’izany. Izay fotsiny, mino aho, Tesaloniana Faharoa. Ananako ilay Soratra eto. Ao amin’ny Faharoa . . .

*Ary mangataka aminareo izahay, ry rahalahy,
ny amin’ny fihavian’ny Tompo Jesosy . . . sy ny
hanangonana ho eo aminy,*

²⁶ Ankehitriny, hitanareo, “ny fihavian’ny Tompo, sy ny hanangonana ho eo Aminy,” satria Andriamanitra dia hanangona ny Olony ho eo Aminy amin’ny andro farany. “Ny fanangonana ny olona ho eo amin’ny Tompo,” tsy ho eo amin’ny fiangonana, “ho eo amin’ny Tompo; fanangonana ho eo Aminy.”

Mba tsy halaky hohetsiketsehina ianareo ao amin’ny sainareo, na...hampitahorina—hampitahorina, na amin’ny fanahy, na...teny, na taratasy izay toa avy aminay, fa...antomotra ny andron’ny Tompo.

Aza mety ho fitahin’olona akory ianareo: fa tsy ho avy izany andro izany, raha tsy efa tonga aloha ny fihemorana, ka ilay lehilahin’ota (“lehilahin’ota,” diniho hoe inona izy ankehitriny), ilay lehilahin’ota dia hiseho, ilay zanaky ny fahaverezana, (i Jodasy izany, hitanareo);

Izay manohitra sy manandratra ny tenany ho ambony noho izay rehetra atao hoe Andriamanitra, na izay ivawahana; hany ka tahaka an’Andriamanitra mipetraka ao amin’ny tempolin’Andriamanitra izy, maneho ny tenany fa izy no Andriamanitra.

²⁷ Ilay famitahan’ny fiangonan’izao andro izao! Hitanareo, “ilay zanaky ny fahaverezana,” ny devoly. “Ilay zanaky ny fahaverezana,” ny devoly. Noho izany, dia manompo an’i Satana ny olona amin’izao andro izao, mihevitra fa manompo an’Andriamanitra izy ireo. Saingy manompo azy izy ireo amin’ny alàlan’ny fanelek-pinoana anankiray, anarampiangonana nataon’olombelona sy fanelek-pinoana izay nitondra ny olona avy hatrany ao amin’ny fahadisoampanantenana lehibe indrindra izay tsy mbola fantatr’izao tontolo izao hatramin’izay. Tsy mampaninona na firy no Tenin’Andriamanitra nampantanaina ho an’izao andro izao, izay notoriana sy nohamarinina, fa mbola tsy hino an’Izany foana izy ireo. Tsy hino an’Izany izy ireo.

²⁸ Nahoana àry? Manontany tena isika hoe nahoana. Nahoana izany; nahoana no tsy hino an’Izany izy ireo? Rehefa nilaza Andriamanitra fa hanao zavatra anankiray Izy, dia Ataony ilay izy, nefo dia itodihan’izy ireo lamosina foana izany ary ialany lavitra izany. Tena tahaka ny nahafantaran’i Eva fa izay nolazain’Andriamanitra, dia hataon’Andriamanitra; saingy nitodihany lamosina izany, mba hihainoana an’izay ho lazainy.

²⁹ Tsarovy fotsiny, ao amin’ireo taona hafa, dia zavatra mitovy foana ilay izy. Ao amin’ny taona rehetra, dia i Satana foana no miezaka manimba an’ilay Teny teo amin’izy ireo, manao azy ireo hijery taona hafa anankiray.

³⁰ Jereo, rehefa tonga Jesosy, hitanareo, dia tao anatin’ilay andiana Jiosy mpampianatra i Satana, sy ireo raby ary ireo mpisorona, niezaka hiteny amin’izy ireo mba hitandrina ny

lalàn'i Mosesy, nefà ilay tena Teny no nilaza fa amin'izany andro izany dia hiseho ny Zanak'olona, hitanareo, fa haneho ny Tenany Izy. Koa dia niezaka izy ireo, raha mbola nihazona ny fivavahany foana izy ireo, dia teo amin'ny lalàn'i Mosesy. Hitanareo ve ny nataony? Niezaka niteny tamin'izy ireo izy hoe, "Io ampanhan'ny Teny io dia tena marina tokoa, fa tsy ity Lehilahy ity io Olona io." Hitanareo ve hoe mamitaka toy ny inona izy? Izany ilay tena andron'ny fahadisoam-panantenana.

³¹ Izany ilay izy, ary mbola izy ankehitriny, Satana manorina ny fanjakany eto an-tany. Izany marina tokoa no antony anaovany an'ilay izy, satria te-hanorina ny fanjakany manokana izy.

³² Tahaka ny mpandraharaha anankiray, izay tsy Kristiana, hampiasa ny tetika rehetra azony atao izy hanao anareo hahita zavatra anankiray amin'ny fomba diso. Raha manana ta-tanjona anankiray izy sy tombony manokana amin'ny fahazoana anareo hanao an'izany, hanao anareo hahita an'ilay izy amin'izany fomba izany, dia haneho anareo ny zavatra rehetra azony atao izy, ka hanala anareo eo amin'ny fahamarinan'ilay izy, satria tsy misaina afa-tsyz ny ho azy izy. Tsy mampaninona na impiry izy no handainga sy hifetsy, na inona koa, manana tombony manokana izy.

³³ Ary izany no antony nanaovan'i Satana an'izany. Ary niasa tamin'ny alàlan'ny asam-panompoana izy hanaovana an'izany, araka ny nampanantenain'Andriamanitra fa hataony. Ankehitriny, nanomboka tamin'ny alàlan'ny fitaka arapivavahana izy tao Edena, ary nanohy hatrany foana.

³⁴ Tsy amin'ny alàlan'ny fametrahana andiana kaominista anankiray. Tsy misy idiran'ny kaominista amin'izany. Ilay fiangonana izany, izay tokony ho dinihanareo, hitanareo. Tsy ny—tsy ny kaominista no hamitaka an'ilay tena Voafidy. Ny fiangonana no hamitaka an'ilay tena Voafidy, hitanareo. Tsy ny kaominista izany; fantatsika fa mandà an'Andriamanitra izy ireo, ary antikristy izy ireo, azo antoka fa izany izy ireo, raha ny marina, saingy tsy izy ireo no *ilay* antikristy. Ilay antikristy dia mpivavaka, tena mpivavaka, ary afaka manonona ny Soratra, ka manao an'Izany ho tena mazava.

³⁵ Fa ny nataon'i Satana tany fahiny tany am-piandohana, dia nanonona marina ny zavatra rehetra izy, "Hoy Andriamanitra hoe, 'Aza hihinananareo ny hazo rehetra eo amin'ny saha.'" Hitanareo, notononiny tsara Izany.

³⁶ Hoy izy hoe, "Eny, azonay hihinanana ny avy eo amin'ny hazo rehetra eo amin'ny saha, fa misy hazo anankiray ao afovoan'ny saha izay nolazain'Andriamanitra hoe aza hihinanana, fa, aza tendrena akory aza izany; satria, amin'ny andro hihinanana, amin'izany andro izany dia ho faty izahay."

³⁷ Hoy izy hoe, "Oh, tsy ho faty tsy akory ianareo. Fa mamele ahy hanome anareo ny antony nilazan'Andriamanitra an'izany,

dia satria . . ." Hitanareo, inona izy ankehitriny? Nanonona an'io Fahamarinana io izy, hitanareo. Hoy izy hoe, "Hanokatra ny masonareo izany, ary hanao anareo hahafantatra ny tsara sy ny ratsy. Hitovy amin'Andriamanitra ianareo amin'izay fotoana izay, raha vitanareo izany."

³⁸ Izay fotsiny no tiany hatao, ary izay fotsiny ilay zavatra mitovy izay ezahany hatao amin'izao andro izao. Nisy fitaka arapivavahana anankiray hatrany amin'ilay fiandohana mihitsy tao Edena, ary nisy foana hatrany. Tamin'ny andron'i Adama, dia fitaka anankiray ilay izy. Tamin'ny andron'i Noa, dia fitaka anankiray ilay izy. Tamin'ny andron'i Jesosy, dia nitovy. Ary ankehitriny dia mitovy, ilay fomba mitovy, famitahaha arapivavahana anankiray!

³⁹ Ankehitriny, hanamarika ny tany isika, raha teo ambany fanapahan'Andriamanitra izy. Ankehitriny, rehefa nanapaka azy Andriamanitra...nanao azy ho eo ambany Fanapahany. Avy dia nalain'i Satana, tamin'ny alàlan'ny fandavana ny Tenin'Andriamanitra. Indray andro Andriamanitra dia nanana ny tany teo ambany Fanapahany. Napetrany tao anatin'ny toeram-pihodinany izy. Napetrany izy, nanao azy handeha. Nanao ny zavatra rehetra Izy, naka azy tao amin'ny Fanapahany. Ankehitriny isika dia hampitaha an'izany amin'ilay taorian'ny nandraisani Satana ny fanapahany azy.

⁴⁰ Ankehitriny, enina arivo taona no nalain'Andriamanitra. Tsy nila naka an'izany ela be izany Izy, saingy Nalainy izany ela be izany. Enina arivo taona, satria nampianarina isika fa "ny indray andro any An-danitra dia arivo taona ety an-tany," ary enina arivo taona, na enina andro no nanaovan'Andriamanitra ny tany. Ankehitriny, enina arivo taona no nalain'Andriamanitra hampiorenana azy, namboly azy tamin'ny voa tsara ka mba hamoa ny zavatra rehetra araka ny karazany. Ny zavatra rehetra dia tsy maintsy mamoa avy amin'ny karazany. Ireo Voany rehetra ireo dia tsara, ary noho izany dia tsy maintsy mamoa araka ny karazany. Naka enina arivo taona Andriamanitra.

⁴¹ Farany, rehefa Vitany izy rehetra, ary farany isika . . . farany dia tonga niaraka tamin'ny foibeny, an'ny tany, tao amin'ny toerana kely mahafinaritra anankiray nипетрака tao atsinanan'i Edena, antsoina hoe sahan'i Edena. Nataon'Andriamanitra tao amin'ny sahan'i Edena ny foiben'ny tany, tany Egypta, tany amin'ny farany atsinanan'ilay saha no nisy an'ilay foibe.

⁴² Ary ambonin'ny toe-javatra rehetra, dia nametraka ny Zanany sy ny vadin'ny Zanany Izy, hanjaka amin'izy rehetra. Marina izany. Izany no nataon'Andriamanitra. Napetrany tamin'izy ireo ny fanapahana feno. Afaka niresaka tamin'ny rivotra izy ireo, dia nijanona tsy nifofofofo izany. Afaka niresaka tamin'ny hazo izy ireo, dia niala *teto* ho *etsy* izany.

⁴³ Ny liona sy ny lopa dia niaraka nihinana, ary ny zanak'ondry dia nandry niaraka tamin'izy ireo. Tsy nisy ratsy. Fiadanana tanteraka izany, firindrana tanteraka, ny zavatra rehetra dia tao anatin'ny fahatanterehana, ary rehefa Andriamanitra no nanana an'izany teo ambany Fanapahany. Ary mariho, Izy dia nanana Ny... Izy dia nanana ny Tontolony, Izy no nanao azy rehetra hihodina. Izy no nanao ny zavatra rehetra ho tonga. Ny rehetra dia nihinana zava-maniry; tsy nisy na inona na inona ho faty, tsy nisy na inona na inona ho lo, tsy nisy na inona na inona ho simba. Tsy nisy na inona na inona... Tanteraka fotsiny ilay izy.

⁴⁴ Ary ambonin'izy rehetra, dia Napetrany ireo Zanany malalany, ny Zanakalahiny sy Zanakavaviny, lehilahy iray sy ny vadiny, hanapaka an'izany.

⁴⁵ Tena afa-po Andriamanitra! "Dia nitsahatra tamin'ny Asany rehetra Izy, tamin'ny andro fahafito," ary nanamasina an'io andro fahafito io ho sabata ho Azy.

⁴⁶ Satria, njery an'izy rehetra Andriamanitra, rehefa avy naka enina arivo taona Izy nandasirana azy sy nanamboarana azy, nanao azy ho tonga eo amin'ny fisiany; ary nanao ny tendrombohitra, sy nanao an'ireo volokano hampiakatra an'ireo tendrombohitra, sy ireo zavatra izay niseho tao amin'ireo fipoahana; nanamaina an'izany, ary nanamboatra azy tamin'ny fomba izay Nanaovany azy. Ary toerana mahafinaritra anankiray izany.

⁴⁷ Tsy nisy na inona na inona tahaka azy, ilay paradisa lehibe an'Andriamanitra! Ary ireo dinôzôro lehibe, sy inona koa, nandady teo aminy, ary ireo biby lehibe; tsy nisy ratsy tao amin'izy ireo. Tena mora fanahy tahaka ny zana-tsaka mihitsy izy ireo. Tsy tratry ny inona na inona mihitsy izy ireo; tsy nisy—tsy nisy aretina, tsy nisy alahelo; tsy nisy na dia tsimok'aretina anankiray akory aza teto ambonin'ny tany. Oh, toerana iray toy ny inona!

⁴⁸ Ireo vorona lehibe nisosa nitety hazo, ary afaka niantso azy ireo tamin'ny anarany i Adama, ka nanidina teo ambonin'ny sorony izy ireo ary—ary nibakobako azy. Ary, oh, toerana mahafinaritra anankiray toy ny inona no nananan'Andriamanitra!

⁴⁹ Ary avy eo dia nanao anankiray tamin'ireo Toetrany avy tamin'ny Vatany Manokana. Andriamanitra dia manana toetra ao amin'ny Vatany.

⁵⁰ Ohatra hoe, ianareo dia toetran'ny rainareo. Ary, mariho, ianareo dia tao amin'ny raiben'ny raiben'ny raibenareo. Saingy, tao amin'izany, atao hoe, halaintsika ilay izy hitovy aminareo sy ny rainareo. Ankehitriny, tsy nahafantatra na inona na inona ianareo raha mbola tao amin'ny rainareo. Ilay tsirin'aina dia tonga avy amin'ny lahy. Ny lahy no manana ny selan-drà; ny vehivavy no manana ny—ny atody; ankehitriny, noho izany, ilay

selan-drà no manana ny aina ao aminy. Ary, avy eo, rehefa tao amin'ny rainareo ianareo, dia tsy nahafantatra na inona na inona tokoa mikasika an'izany. Saingy, kanefa, ny siansa sy ny Tenin'Andriamanitra no manaporofa tao amin'ny rainareo ianareo, fa tsy nahafantatra na inona na inona mikasika an'izany ianareo.

⁵¹ Fa tamin'izany dia naniry mafy ny hahafantatra anareo ilay ray. Ary tamin'ilay firaisan'ny fifampikasohana tamin'ilay reny, tamin'izay fotoana izay ianareo no natao ho fantatr'ilay ray. Ankehitriny, dia toetry ny rainareo ianareo. Mitovy aminy ianareo, ary manana ampahany amin'ny vatanareo ianareo izay mitovy amin'ny rainareo.

⁵² Ankehitriny, toy izany koa Andriamanitra tany amin'ny fiandohana. Ny zanakalahin'Andriamanitra rehetra sy ny zanakavavin'Andriamanitra rehetra dia tao amin'Andriamanitra tamin'ny fiandohana. Tsy tsaroanareo izany ankehitriny, saingy tany ianareo. Fantany izany. Ary Tiany hisy ianareo mba Hahafahany mifandray aminareo, miresaka aminareo sy mitia anareo, ary mandray ny tànanareo.

⁵³ Tsy tianareo ve raha mba ny zanakareo lahy manokana... Tsy andro lehibe anankiray ve rehefa mody ao an-trano ny zanakareo lahy ka mipetraka eo amin'ny latabatra? Rehefa miverina avy any an-tanin'ady izy, na zavatra hafa, feno holatra; toy ny ahoana no hikarakaranareo an'ilay sakafotra; vonoinareo ilay zanak'omby matavy, na inona koa, ka amboarinareo ho azy! Nofonareo sy rànareo manokana io, ary tao anatinareo izy. Tsy nahafantatra azy ireo ianareo tamin'izany, saingy ianareo dia nahafantatra fa tao izy.

⁵⁴ Ary toy izany no nahafantar'an'Andriamanitra fa ho eto isika, saingy Nataony tao anatin'ny nofo isika mba hahafahantsika azo ifandraisana. Mba Hahafahany mifandray, dia lasa isantsika Izy rehefa lasa Jesosy Kristy Izy, ilay Zanak'Andriamanitra Tenany, ilay fahafenoan'ny fanehoana an'Andriamanitra. Koa izany no tanjon'Andriamanitra, ny hampiseho an'ireo Toetrary ao amin'ny fiombonana.

⁵⁵ Raha tao amin'ny raiko aho, dia tsy nahafantatra na inona na inona mikasika an'izany. Saingy rehefa lasa zanany aho dia teraka avy tao aminy, dia toetra anankiray aho, ampahany iray an'ny raiko. Ary ianareo dia ampahany iray an'ny rainareo.

⁵⁶ Ary amin'ny maha-zanak'Andriamanitra, dia isika no ampahany iray an'ny toetran'Andriamanitra izay tao Aminy, tonga nofo tahaka Azy tonga nofo, mba hahafahantsika samy isika manana fiombonana, amin'ny maha-fianakavian'Andriamanitra anankiray ety an-tany. Ary izany no tanjon'Andriamanitra tamin'ny fiandohana. Eny, tompoko. Izany no tian'Andriamanitra tamin'ny fiandohana.

⁵⁷ Nanana ny zavatra rehetra teo ambanin'ny fanapahana Izy. Ary Nampitoeriny tao amin'ny sahan'i Edena ny olona, tao amin'ny safidy malalaka; nanao hoe, "Anaka, anao io."

⁵⁸ Toerana mahafinaritra anankiray toy ny inona! Tena afapo Andriamanitra, hany ka niverina Izy ary nitsahatra tamin'ny Asany rehetra. Ny hazo rehetra dia tsy nisy naniry tsilo na songosongo mihitsy. Tsy nisy voaroy nivoaka avy teo amin'ny hazo iray misy tsilo mihitsy. Tanteraka ny zavatra rehetra. Tanteraka ny voa rehetra. Ny zavatra rehetra dia tao anatin'ny toerana tanteraka.

⁵⁹ Tamin'izay rehefa nandeha niala sasatra kely Izy, dia nitsofoka moramora niaraka tamin'ny fitaka ilay Fahavalony, ary naka an'ilay izy, tamin'ny alàlan'ny fandikana diso an'ilay Fandaharany ho an'ireo Zanany. Fa, nametraka fahatokiana tamin'ireo Zanany Manokana Izy; tahaka anareo mametraka fahatokiana amin'ny zanakareo vavy rehefa mivoaka miaraka amin'ny lehilahy iray amin'ny alina; rehefa mametraka fahatokiana amin'ny zanakareo lahy ianareo rehefa tsy maintsy hivoaka miaraka amin'ny zazalahy mpisotro na zazalahy mpifoka izy. Hitanareo, nametraka fahatokiana tao amin'ny Zananilahy Izy, hoe tsy hanao zavatra ratsy izy io, ary hihazona ny Teny rehetra izay Nolazainy. Saingy nitsofoka moramora ilay fahavalon; tahaka an'ilay mpamitaka malama volo izay hivoaka hiaraka amin'ny zanakareo vavy sy hanao fitondranten ratsy; na-na vehivavy anankiray izay haka, hivoaka hiaraka amin'ny zanakareo lahy, sy zavatra mitovy amin'izany. Hitanareo, nitsofoka moramora izy. Nitsofoka moramora ilay fahavalon'Andriamanitra ka nanao fandikana diso ny Teny tamin'i Eva.

⁶⁰ Ankehitriny, izy, tamin'ny alàlan'io fahalavoana io, no nangalany sy nahazoany ny sahan'i Edena, ho an'ny tenany. Nalainy ilay izy. Ary ankehitriny dia nanana enina arivo taona izy hanjaka amin'ny famitahana; mamitaka ny olona, ireo zanak'Andriamanitra, tahaka an'izay nataony tamin'izany. Satria, napetraka teo amin'ny safidy malalaka izy ireo, mba hanao izay sitrany rehetra. Ary teo am-pinoana fa nanao ny tsara izy ireo, na teo am-pahatokiana fa nanao ny tsara izy ireo, nefä dia tonga tamin'ny fanaovan-dratsy izy ireo, ka nivarotra ny fizokiany, tahaka ny nataon'i Esao, ho an'izao tontolo izao. Ary naharesy an'ilay izy i Satana, ka nalainy ilay izy. Ary nanana enina arivo taona izy nanorenana an'ilay Edenany, tahaka ny nananan'Andriamanitra enina arivo taona nanaovana ny Edenany hatramin'ny farany. Ary tamin'ny alàlan'ny fitaka, fitaka tamin'ilay Teny, na tamin'ny olona, no nanorenany an'ilay Edenany manokana teto amin'ity tany ity, tao anatin'ny ota.

⁶¹ Ny Edenan'Andriamanitra dia niorina tao anatin'ny fahamarinana. Ny Edenan'i Satana dia niorina tao anatin'ny ota, satria Satana dia ota. Andriamanitra dia fahamarinana,

ary ny fanjakan'Andriamanitra dia niorina tao anatin'ny fahamarinana, sy fiadanana, ary Fiaianana. Fa ny fanorenan'i Satana dia tao anatin'ny ota, ary ota ara-pivavahana.

⁶² Mariho hoe toy ny ahoana no namitahany, ilay famitahany, tahaka ny nolazainy fa hataony. Nampanantena ny hanao an'izany izy. Misy olona mahafantatra an'izany ve? Ndao isika hamadika ao amin'ny Isaia, raha mila ny sasany amin'ireo Soratra ianareo. Raha ianareo... Tokony hanonona maromaro amin'izy ireo aho, heveriko. Ndao isika hamadika ao amin'ny Isaia ny toko faha-14, fotoana vitsy monja, ka hahita fotsiny izay nolazain'i Satana eto, fotoana vitsy monja. Ao amin'ny Isaia 14, ho vakiantsika izany, ary diniho izay nataon'ity olona ity. Isaia 14, manomboka amin'ny andininy faha-12.

Endrey latsaka avy tany an-danitra ianao, O ry Losifera, zanaky ny maraina! Endrey fa voakapa hianjera amin'ny tany ianao, izay nandripaka ny firenena!

Fa ianao efa niteny tao amin'ny fonao hoe, hiakatra any an-danitra aho, hanandratra ny sezafiandrianako ambonin'ny kintana aho (ireo zanaka izany), ireo kintan'Andriamanitra: ary hipetraka eo an-tendrombohitra fivoriana koa aho,... ny ilan'ny avaratra:

Ary hiakatra any ambonin'ny havoan'ny rahona aho; ka ho tahaka ny Avo indrindra aho.

⁶³ Ankehitriny ampitahaio io eto io amin'ireo Soratra hafa antsika ao amin'ny Tesaloniana, vao tsy ela teo, izay nilazany hoe, "Mipetraka eo amin'ny tempolin'Andriamanitra izy, manandratra ny tenany ho ambonin'izay atao hoe Andriamanitra, mba amin'ny maha-Andriamanitra azy dia hivavahana tahaka an'Andriamanitra eto an-tany."

⁶⁴ Io ilay andriamanitr'ity izao tontolo izao ity izay notoriako taminareo tamin'ny Alahady lasa teo. Indro izy ankehitriny ao amin'ny fitaka, ilay oran'ny famadihana, ilay andro goavana izay iainantsika. Izao no andro be voninahitra indrindra amin'ny taona rehetra, satria miatrika an'ilay Arivo taona lehibe indray isika; miatrika an'ilay Edena indray isika. Fa amin'izao taona izao mihitsy, ny fitaka rehetra sy ny tetik'ady rehetra izay tsy mbola nampiasainy mihitsy ka hahafahany hamitaka, dia atambany miaraka izany ary manome hery ny tenany; ary tonga tahaka an'Andriamanitra izy, ary mametraka ny tenany ao amin'ny toeran'Andriamanitra; mpivavaka, ary afaka manonona ny Soratra sy afaka miteny aminareo ny Soratra, tahaka ny nataon'i Satana tamin'i Eva mihitsy tao amin'ny sahan'i Edena. Fa nanaisotra ampahany anankiray tamin'Izany, dia izay fotsiny ihany no tsy maintsy nataony, nanao an'io banga io, izay nahafahan'ilay fampianarana poizina an'ny devoly nitsofoka

tao, tahaka an'ilay Fanatatavanana'ny lehilahy misaina izay noresahantsika indray hariva.

⁶⁵ Ankehitriny, nilaza izy fa hanandratra ny tenany ambonin'ny Avo indrindra izy; hiakatra any ambonin'ny rahona sy ny kintana izy, ary hipetraka ao izy tahaka an'Andriamanitra, ary ho any ambonin'ny Avo indrindra. Ary nahomby izy tamin'ny fanaovana an'ireo fandrahonany. Tena nahazo fahombiazana mahagaga tokoa izy tamin'ny fanaovany an'ireo fandrahonany, noho ny namelan'ny olona azy hanamaivana, tao amin'ny taona rehetra, ny teti-bidin'ny Tenin'Andriamanitra nampanantenaina ho an'ilay taona. Izany tanteraka tokoa ny nanaovany an'ilay izy. Tamin'ny taona rehetra, dia namaivaniny Izany.

⁶⁶ Tamin'ny andron'i Noa, dia nazavainy fa tsy mety izany hoe hanorana avy any an-danitra izany, satria, "tsy misy orana any ambony any." Ilay filazantsarany siantifika lehibe izay notoriandy tao amin'ny sahan'i Edena! Afaka nandefa an'ireo fitaovana nankeny amin'ny volana izy ka nanaporofa fa tsy misy hamandoana eny ambony eny. Saingy Andriamanitra no nilaza fa ho avy ny orana. Fa nahomby i Satana, ary nanapoizina ny fisainan'ny olona, tamin'ny alàlan'ny fikarohana siantifika, hoe, "tsy mety ho vita izany." Saingy vita ilay izy. Andriamanitra no nilaza fa ho vita izany, ary dia vita izany. Nanao Izy.

⁶⁷ Ankehitriny, tamin'ny andron'i—i Jesosy, dia nanao an'ilay zavatra mitovy izy. Nopoizininy tamin'ny alàlan'ny fitaka indray ny fisainan'ny olona, hitanareo, nandika diso ny Teny. "Raha Ianao no Zanak'Andriamanitra, dia avelao aho mba hahita Anao manao zavatra anankiray mikasika an'izany."

⁶⁸ Tsy nanao hatsikana taminy Jesosy. Tsy nanao mihitsy Izy. Tsy mpanao hatsikana Andriamanitra. Tsy voatery hamaly ny zavatra rehetra izay anontanian'i Satana Izy. Izy dia nanana fotsiny... Hoy Jesosy hoe, "Voasoratra hoe, 'Ianao dia tsy hivelona... Tsy ny mofo ihany no iveloman'ny olona, fa ny Teny rehetra izay aloaky ny vavan'Andriamanitra.'" Hitanareo, tsy voatery hanao hatsikana Izy, ho azy. Tsy voatery hanao mofo Izy. Afaka nanao an'izany Izy, fa nihaino ny devoly Izy raha izany, noho izany dia tsy voatery hihaino ny devoly Izy.

⁶⁹ Ary mbola ota ara-pivavahana indray izany, tahaka ny tany amin'ny fiandohana, tena feno fitaka. Diniho ilay izy ankehitriny. Ilay izy dia tsy ota tranainy fanao andavan'andro fotsiny, mijangajanga sy manao mamo, ary manonona foana ny Anaran'Andriamanitra. Tsy izany ilay izy. Tsia.

⁷⁰ Tsarovinareo taona maro lasa izay, maro aminareo eto, ireo tranainy, tsarovy ilay toriteny izay notoriako, ny amin'ny, *Ireo Hadisoam-panantenana Amin'ny Fitsarana*. Ilay mpijangajanga, dia tsy ho diso fanantenana izy any. Fantany izay halehany. Ilay mamo lava dia tsy ho diso fanantenana any. Ilay mpanao risoriso, ilay mpiloka, ilay mpandainga, ilay

mpangalatra, dia tsy ho diso fanantenana izy. Fa, ilay olona izay mihevitra fa marina izy, izany ilay hadisoam-panantenana.

⁷¹ Io olona io izany, izay milaza, izay tonga ka manao hoe, "Tompo, tsy efa nitory ny Filazantsara ve aho, tsy efa nandroaka devoly ve aho, tamin'ny Anaranao?"

⁷² Hoy Jesosy hoe, "Mialà aminareo . . . Amiko, ianareo mpanao meloka. Tsy Fantatro mihitsy ianareo." Izany ilay hadisoam-panantenana, hitanareo, ilay famitahana.

⁷³ Izany ilay tsy itsaharako . . . izany no mahatonga ahy tsy dia azo tsara. Ilay izy tsy hoe izaho no te-ho hafa. Tsy te-ho hafa aho, fa izaho tsy maintsy ho mahitsy fo. Manana Hafatra anankiray aho, ary tsy maintsy mankany amin'ny olona Izany. Izany no manao an'ilay izy ho tena tsy azo mihitsy eo anivon'ny olona. Mihevitra izy ireo fa manohitra ny olona rehetra aho. Raha mba fantatr'izy ireo fotsiny mantsy, fa momba ny olona rehetra aho, ary miezaka manao ny tsara indrindra mba hitondrako amin'izy ireo ny Fahamarinana, araka ny nametrahana an'izany ato am-poko sy ny fomba nametrahana an'izany ato amin'ity Baiboly eto ity. Ary Andriamanitra no manaporofa an'izany ho Fahamarinana, koa dia tsy misy zavatra hafa azo atao amin'izany. Noho izany, na izy ireo hijery an'Izany, na tsia.

⁷⁴ Hitanareo, tsy te-hijery an'Izany izy ireo, satria efa nivarotra izy ireo, nivarotra ny fizokiany tamin'ny rafipandaminana anankiray, anaram-piangonana anankiray; mba hiezaka amin'ny fizokiany, handeha ho any An-danitra eo amin'ny fototry ny fivavahana voarafitra anankiray, izay i Satana no lohan'izy rehetra io. Andriamanitra dia tsy nanana fivavahana voarafitra anankiray mihitsy, tsy nanao mihitsy. Ary mivarotra ho an'izany izy ireo, nefo izy ireo, dia andian-dehilahy, izay mandika ny Teny ka milaza fa *ity* no dikan'Izany ary *itsy* no dikan'Izany.

⁷⁵ Tsy mila mpandika teny Andriamanitra. Izy no manao ny Fandikany Manokana. Izy tsy mila olon-kafa hiteny Aminy hoe ahoana no hanaovana an'ilay izy. Masi-mandidy Izy. Izy no nilaza hoe ahoana no Hanaovany an'ilay izy, ary izany no fomba izay tsy maintsy Hihazonany ny Teniny. Rehefa hoy Izy hoe, "Izao famantarana izao no hanaraka an'ireo izay mino," dia izay mihitsy no Tiany ho lazaina. Izay rehetra Nolazainy dia hiseho, nilaza Izy fa izao no hitranga amin'ireo andro farany ireo, hoe hanao zavatra samihafa Izy, dia Nataony izany. Tsy mila manontany olona izy na izao no fotoana na tsia. Izy no mahafantatra hoe inona ilay fotoana, sy hoe inona ilay planina.

⁷⁶ Ankehitriny, Satana, io mpamitaka io, araka ny voalaza ao amin'ny Matio 24:24, miaraka amin'ny fitaka maro. Ankehitriny, dia hitantsika fa tamin'ny alàlan'ireo fandaharany arapilazantsara an'ny fahalalana, fianarana tsara, etika ambony,

fandrosoana, sy ny sisa, no namosaviany ny olona izay te-hanompo an'Andriamanitra, tamin'ny finoana ny laingany.

⁷⁷ Tsy te-hanao an'izany i Eva, saingy nasehony azy hoe nisy fahendrena betsaka tao anatin'izany. Tsy nahafantatra izy; fa te-hahafantatra izy. Tsy azony, fa te-hahazo izy. Ary Andriamanitra no niteny taminy mba tsy hiezaka ny hahazo.

⁷⁸ Ahoana no hahafahako hahazo ny tsirairay amin'ireto zavatra ireto? Tsy afaka hahazo azy ireo aho. Mino azy ireo aho. Tsy mila mahazo azy ireo aho. Andriamanitra dia finoana, fa tsy fahazoana. Mino fotsiny an'izay Nolazainy isika.

⁷⁹ Ankehitriny, dia ampitahao ny Edenan'Andriamanitra amin'ny an'i Satana, taorian'ny enina arivo taonan'ny fanimbana an'ilay fandikana marin'ny Tenin'Andriamanitra nampanantenaina ho an'ilay taona. Ndao isika hampitaha an'ilay izy ankehitriny, ka hahita hoe aiza no misy antsika. Tahaka ny nataony tamin'ilay fiandohana tamin'ny—tamin'ny andron'i Kristy, Jesosy, niezaka nihazona—nihazona an'ireo zanak'Andriamanitra mahatoky tsy hahafantatra ny Fahamarinana. An'Andriamanitra izany. Andriamanitra no nametraka ny Zanany eto, ireo Toetrary, mba hiombona Aminy amin'ny fandrenesana ny Teniny.

⁸⁰ Ahoana moa raha miteny aminareo ny rainareo, ary ianareo dia zanaka mahatoky anankiray amin'ny rainareo, ka hiteny aminareo izy hoe, "Anaka, aza mandeha any amin'io rano any io ianao, hilomano, satria misy voay ao amin'io rano io"; ary tonga ny olona anankiray, manao hoe, "Azo antoka, rano tsara tarehy tahaka an'io ve, tsy misy voay ao amin'io"? Ankehitriny izay no ho henoinareo? Raha tena zanaka marina ianareo, dia hihaino ny dadanareo ianareo.

⁸¹ Ary ny tena zanakalahy sy zanakavavy marin'Andriamanitra dia mandray ny Tenin'Andriamanitra aloha. Tsy ahoako izay lazain'ny olona hafa mikasika an'ilay izy, handray ny Tenin'Andriamanitra aloha izy ireo. "Misy poizina ao anatin'ilay kaopy," dia mino an'izany izy ireo.

⁸² Ny fananana finoana amin'ny Teniny rehetra, ny Voany, no nitondra Edena anankiray an'ny fahamasinana, fitiavana, ary Fiainana Mandrakizay. Izany no Edena novokarin'Andriamanitra, fahamasinana. Ary izany no nitondra Edena anankiray an'ny fahamasinana, an'ny fitiavana, fahazoana, fahatanterahana, ary Fiainana Mandrakizay. Izany no ambolen'Andriamanitra, ny Teniny, ny Voany. Izany no ho Fiangonany amin'ny farany; zavatra hitovy Izany.

⁸³ Mariho, indro ny fisainana iray. Aza adino izany. Hiverenako izany amin'ny andro anankiray hafa na Hafatra anankiray hafa. Fa, fantatrareo, hoy Andriamanitra hoe, "Aoka ny voa rehetra hamoa araka ny karazany avy." Tsy izany ve ilay didin'Andriamanitra? Ankehitriny inona no hahatsara ny

mpitory teny anankiray, na olon-kafa, hiezaka hanao an'ilay Teny hilaza zavatra hafa? Hitanareo, ny Tenin'Andriamanitra tsirairay dia Voa anankiray. Niteny an'izany Jesosy hoe, "Ny Voa iray izay nafafin'ny mpamafy anankiray." Noho izany raha Tenin'Andriamanitra ny Marka 16, dia hamoa araka ny karazany avy izany. Raha Tenin'Andriamanitra ny Malakia 4, dia hamoa araka ny karazany avy izany. Ary ny teny fikasana tsirairay dia tsy maintsy mamoa araka ny karazany avy.

⁸⁴ Hitanareo ve, hitanareo ve Satana eo amin'ilay fanovantarehy? Miezaka izy ny hanao hoe, "Tsy izany io, tsy tahaka an'izany io." Azonareo ve ilay izy? [Hoy ny fiangonana hoe, "Amena."—Mpand.] Hitanareo, hoy Satana hoe, "Oh, tsy ho an'izao andro izao Izany. Izany, izany—izany dia... Andro hafa anankiray izany. Izany, tsy izany mihitsy akory aza no dikan'izany."

⁸⁵ "Ny voa tsirairay dia tsy maintsy mamoa araka ny karazany avy." Toy izany no nanorenan'Andriamanitra ny Edenany. Marina ve izany? [Hoy ny fiangonana hoe, "Amena."—Mpand.] Ary indro ilay izy, ilay anorenan'Andriamanitra ny Fianganony, ny Teny tsirairay araka ny Karazany avy! "Tsy ny mofo ihany no iveloman'ny olona, fa ny Teny rehetra izay aloaky ny vavan'Andriamanitra." Hitanareo? Satana, dia haka zavatra hafa anankiray izy. Fa hoy Andriamanitra hoe, "Ny voa tsirairay dia araka ny karazany avy."

⁸⁶ Raha hoy ny teny fikasana hoe, "Izao famantarana izao no hanaraka an'ireo izay mino."

⁸⁷ Ankehitriny dia hoy ny fiangonana hoe, "Mikambàna amin'ny fiangonana. Ataovy tsianjery ny fanekem-pinoana. Fantaro ny katesizy." Tsy misy zavatra tahaka an'izany ao anatin'ny Baiboly manontolo.

⁸⁸ Fa hoy Jesosy hoe, "Izao famantarana izao no hanaraka an'ireo izay mino: amin'ny Anarako dia handroaka devoly izy ireo; hiteny amin'ny fiteny vaovao izy ireo; raha mandray menarana izy ireo, na misotro zava-mahafaty, dia tsy hampaninona azy izany; raha mametraka ny tânany amin'ny marary izy, dia ho sitrana ireny." Iza no olona anankiray handà an'Izany? Hitanareo?

⁸⁹ "Ny voa tsirairay dia hamoa araka ny karazany avy." Raha voan'Andriamanitra anankiray ianareo, toetra anankiray, zanak'Andriamanitra anankiray, dia ny Tenin'Andriamanitra izany no voafafy tao aminareo. Hitanareo? Ary amin'izay fotoana izay dia mandre ny Tenin'Andriamanitra ianareo, "Ny Ondriko mandre ny Feoko; tsy hanaraka olon-kafa izy ireo." Azonareo ve ilay izy? "Noho izany ny voa tsirairay dia hamoa araka ny karazany manokana."

⁹⁰ Ankehitriny dia hitantsika, fa ny voa tsirairay dia mamoa araka ny karazany avy, tsy nisy fahafatesana ao amin'ilay

vaovao...tao amin'ilay Edena. Tsy hisy fahafatesana ao amin'ilay Edena vaovao. Hitanareeo, tsy nisy, tsy nisy afa-tsy fahamasinana, fahadiovana, ary Fiainana Mandrakizay.

⁹¹ Ankehitriny, noho ny tsy finoana ny Tenin'Andriamanitra rehetra, no nitondra an'ilay voan'ny tsy fahamasinana tao amin'i Edenan'i Satana. Miditra eo amin'izay andraisan'i Satana an'ilay sez a fiandrianana isika izao, amin'ny maha-antikristy, ao amin'ny—ny Edenan'ity tany ity, Edenan'ny ota, fivavahana nosimbaina. Izy tsy nanomboka teo amin'ny hoe, "Izaho no Satana. Izaho no anjely lehibe." Tsia, tsy teo amin'izany, fa teo amin'ny fanimbana ny Tenin'Andriamanitra. Ary tahaka an'izany no nitondrany ny fanjakany, tao amin'ny taona tsirairay. Ary ankehitriny ao amin'ity taonan'ny famitahana lehibe ity, dia efa vonona ny handray ny sez a fiandrianany izy, avy amin'ny olony! Efa nanorina ho an'ny tenany izy Edena anankiray mahay, nianatra, siantifika; marina, mpitory teny siantifika, fiangonana siantifika, teolojia siantifika, ny zavatra rehetra dia siantifika. Ny zavatra rehetra dia mifototra amin'ny fahalalana. Ny fiangonana manontolo dia miorina eo ambonin'ny fahalalana. Tsy niorina teo ambonin'ny finoana ilay izy.

⁹² Indray andro dia nandeha nitondra favoriana anankiray tao amin'ny fiangonan'ny lehilahy iray aho. Efitra lehibe anankiray any atsinanana izany. Lehilahy mahafinaritra anankiray, ary izy dia nandà an'ireo zavatra izay nolazaintsika ireo. Kanefa, izy dia... Tiako izy; lehilahy mahafinaritra, lehilahy antitra. Rehefa nivoaka ilay fiangonany... Eo amin'ny olona enina arivo eo no afaka mipetraka ao aminy. Rehefa nivoaka ilay fiangonany, tamin'ilay favoriana tolakandro, teo amin'ny diman-jato sy arivo teo, izy rehetra ireo dia manam-pahaizana tsara akanjo. Nipetraka teo aho ary nandinika azy ireo.

⁹³ Nitory toriteny tena tsara anankiray izy, nitory ilay lehilahy. Ary avy eo dia nanontany izy raha misy olona te-hanaiky an'i Kristy; mba hanangana ny tânany fotsiny. Ary tsy nisy na iray aza nanangana ny tânany. Ary farany dia vehivavy anankiray no nanangana ny tânany. Hoy izy hoe, "Eny àry, ankehitriny ianao dia Kristiana anankiray," ary nanao batisa azy. Ary avy eo rehefa nivoaka izy... Nanolotra zazakely anankiray izy, nanoroka an'ilay zazakely ary nanao vavaka ho azy, ary nandrava ny mpanatrika.

⁹⁴ Rehefa nivoaka ny fiangonany; ny rehetra dia olona tsara, manam-pahaizana, nianatra. Avy eo dia nitsangana tery amin'ny ilany aho, mba handray ny tânán'ilay lehilahy ka nirary ny fanambinan'Andriamanitra ho azy, rehefa nivoaka izy.

⁹⁵ Ary rehefa nataoko izany, dia indro niditra ny vahoakako. Tsy navelany hiditra izy ireo raha mbola tao ny vahoakany. Indro tonga ny ahy, tao amin'ny sez a misy kodiarana, fandrian'ny

marary, palitao fitazonana adala, very saina, sy zavatra maro hafa. Hitanareo ve ilay fahasamihafana? Izany ilay izy. Izany ilay zavatra izay resahako, hitanareo. Hitanareo, zavatra anankiray hafa ilay izy.

⁹⁶ Raha, amin'ny alàlan'ny fahalalana siantifika no hahafahanareo manao Filazantsara *ara-pahazoana* anankiray, izay, ianareo, "izay mino an'i Jesosy Kristy dia tsy ho helohina," hitanareo.

⁹⁷ Fa, "Izao famantarana izao no hanaraka an'ireo izay mino," hitanareo, adinon'izy ireo ny nametraka an'Izany tao, hitanareo. Nino an'i Jesosy Kristy izy, voavonjy izy, raha nanaraka an'ilay mpino ireo famantarana ireo.

⁹⁸ "Ary izay mandre ny Feoko," tsy hoe manavaka fotsiny, tsy hoe mandre Azy amin'ny sofiny, fa, "mahazo Azy." Ny olona rehetra dia afaka mandre Azy; ny mpivarotena anankiray dia afaka mandre Azy nefä mijanona ho mpivarotena foana; hitanareo, ny mpimamo anankiray dia afaka mandre Azy nefä mbola mijanona ho mpandainga foana. Fa, "Izay mahazo ny Teniko, ka mino Izay naniraka Ahy, no manana ny Fiainana mandrakizay." Eo ianareo izao, hitanareo.

⁹⁹ Ary tsy misy olona afaka manao an'izany raha tsy efa notendren'Andriamanitra mialoha izy. Hoy Jesosy hoe, "Tsy misy olona afaka manatona Ahy, raha tsy notarihin'ny Raiko izy, ary izay rehetra nomen'ny Ray Ahy no hanatona Ahy." Amena. Izany rehetra izany dia fahefana ambony sy fahalalana mialoha an'Andriamanitra. Miaina irery Izy ary tsy misy olona hiteny Aminy an'izay hatao.

¹⁰⁰ Ankehitriny, noho ny tsy finoana, amin'ny tsy firesahana ny Tenin'Andriamanitra rehetra, no nitondra voan'ny tsy finoana anankiray, tsy fahamasinana, mpanota, fankahalana, ary fahafatesana Mandrakizay no ao anatin'io taonan'ny fiangonana mpanota, ara-tsaina io. Ankehitriny azonareo ve ilay izy? Amin'izao andro izao, rehefa mpivavaka izao tontolo rehetra izao! Efa fantatrareo ve izany? Izao tontolo rehetra izao dia mpivavaka. Ary ao anatin'ity taonan'ny fivavahana ity, fiangonana goavana isaky ny zoron-dàlana; ny zavatra rehetra, ny zavatra manontolo dia mitondra mankao amin'ny fivavahana amin'i Satana. Indro izany, ato amin'ity Baiboly eto ity mihitsy. Marina izany. Ary ao amin'ireo seminera ara-tsaina, ara-teolojia izay mamokatra olona mahay anankiray izaynofanina hoe ahoana no fiteny, inona no hatao, ahoana no hanaovana ny fihetseham-pony; sy ny sisa toy ny fandinihana momba ny saina, nandritry ny telo na efa-taona, mba hahafantarana hoe ahoana no hifampikasohana amin'ny fisainan'ny olona anankiray. Hitanareo, izany dia . . .

¹⁰¹ Ny Fanahin'Andriamanitra dia tsy zavatra izay, ianareo, nianarana ao anatinareo. Izany dia zavatra izay efa voafidy mialoha tao anatinareo, tamin'ny alàlan'ny tènan'Andriamanitra Tsitoha. Ny fahatsapanareo dia tsy azo nianarana na nampianarina ao anatinareo. Efa voatendry mialoha izany, tamin'ny alàlan'ny tènan'Andriamanitra sy ny fahalalana mialoha an'Andriamanitra, ao anatinareo. Marina izany.

¹⁰² Ankehitriny, izany no namokatra an'io Edena lehibe izay iainan'izy ireo ankehitriny io, fiangonana Edenan'izao tontolo izao. Mikambana miaraka ao amin'ilay Fivoriana Ekiomenika lehibe izy ireo ankehitriny, ary hahazo an'ilay fiangonan'izao tontolo izao rehetra ho tonga eo ambanin'ny loha anankiray, izay hiakaran'i Satana eo amin'ny sezà fiandrianana, tena izany tokoa.

¹⁰³ Ary hivoaka ilay antso farany, haka an'ilay Ampakarina mialohan'ny Hidirany ao amin'izany. Fa vantany vao ao anatin'izany, dia nandray ny mariky ny bibi-dia izy, ary voaheloka, tsy ho tafavoaka avy ao amin'izany intsony izy. Izany no antony, nilazana hoe, "Mivoaha ao anivony ianareo, ry Oloko," mialohan'ny hidirany ao anatiny, hitanareo. "Mivoaha ao anivony ianareo, ary misaraha ianareo."

¹⁰⁴ Ankehitriny, ny fankahalana sy fahafatesana, ary fisarhana Mandrakizay amin'Andriamanitra, no ao anatin'io Edena io; fitsiriritana, fahalotoana, fahasimbana, (ahoana?) amin'ny famafazana an'ilay voa ratsy.

¹⁰⁵ Mampahatsiahy ahy an'ilay fahitana izay hitako nialohan'ny nihaonako tamin'ilay olona Pentekotista izany, ny amin'ilay Lehilahy nandeha nanodidina an'izao tontolo izao, niakanjo fotsy. Efa nandre ahy niteny an'izany matetika ianareo. Ary ny anankiray tonga tao Aoriany, namafy an'ireo voan'ny fisarham-bazana.

¹⁰⁶ Ankehitriny dia resiny tsara ilay izy, tao amin'i Eva... tao amin'ny sahan'i Edena, tamin'ny alàlan'ny fitsiriritan'i Eva ny fahotana; ny fitsiriritana ho an'i Eva, an'ilay fahotana. Noho izany, raha nitsiriritra fahalalana i Eva, dia fahotana ilay izy.

¹⁰⁷ Ary rehefa mitsiriritra fahalalana isika, mila Ph.D., LL.D., dia fahotana ny manao an'izany. Filazana mafy izany, saingy izany no Fahamarinana. Tsy mampaninona na mafy aza ilay izy, fa mbola ny Fahamarinana ihany izany, hitanareo. Mitsiriritra fahalalana, fahazoana!

¹⁰⁸ Ny zavatra amin'ilay izy dia, dia, amin'izao andro izao isika dia tsy miezaka ny mampiorina ny Tenin'Andriamanitra ao am-pon'ny olona. Miezaka mampiorina ny tenantsika isika. Ireo fiangonana dia miezaka ny mampiorina ny fampianaram-piangonana, ao am-pon'ny olona anankiray.

¹⁰⁹ Nodidiana hampiorina ny Tenin'Andriamanitra isika. Hoy i Paoly hoe, "Tsy tonga teto aminareo tamin'ny tenin'olona mahataona aho, ka hahatonga ny finoanareo hitoetra eo amin'ny fahalalan'olona; fa tonga taminareo tamin'ny hery aho; tamin'ny fanehoana ny Fanahy Masina, mba hitoetra eo amin'Andriamanitra ny finoanareo." Eo ianareo izao.

¹¹⁰ Tsy mahazo mampiorina ny tenanareo ny olona. Hitantsika izany eo anivon'ny . . . Avelao anie Andriamanitra hanao zavatra ho an'ny olona anankiray ka haniraka azy, hahita ny olona rehetra haka tahaka an'izany ianareo. Hitanareo, miezaka ny mampiorina ny tenany izy ireo. Ny olona tsirairay, "Nanao an'ity aho. Izaho, izaho, ny ahy, ny anaram-piagonako, izaho, ity," mampiorina ny tenany. Inona ilay toriantsika, ny tenantsika sa ny Fanjakan'Andriamanitra?

¹¹¹ Aoreno ny Tenin'Andriamanitra. Esory ny tsy finoana ary aoreno ao am-pon'ny olona ny Fanjakan'Andriamanitra. Ary ny Fanjakan'Andriamanitra dia tsy mety ho voaorina ao am-pon'ny olona raha tsy Andriamanitra no efa nanamboatra azy ho toy izany. Tsy afaka ho voaorina ao amin'ny . . .

¹¹² Ary, tsarovy, ilay ampahany mamilaka, dia ireo olona no mihevitra fa marina ilay izy. Hitanareo. "Misy lâlana izay heverin'ny olona ho mahitsy." Ny manam-pahaizana tsirairay dia toa ohatry ny marina.

¹¹³ Araka ny nolazaiko taminareo Alahady vitsy lasa izay; rehefa nitsangana teo akaikin'ny zanako teo am-pahafatesana aho, dia nitsangana teo Satana ary nanao hoe, "Misy an'ilay dadanao, izay maty teo an-tsandrino indray hariva. Misy an'ilay vadinao mandry ao anatin'ny—ao anatin'ny tranom-paty, ary io ny zanakao fa lasa. Ary ianao dia nangataka Taminy mba hamaly anao, nefà Izzy misintonà ny . . . Izzy misintonà aloka anankiray eo anoloanao. Ankehitriny, kanefa dia Andriamanitra tsara anankiray Izzy, kanefa dia ianao no nilaza fa Mpanasitrana anankiray Izzy. Ary ianao, iza no hanohana an'izay nolazainao fa hoe marina, diso ianao." Oh, ny hevitra tsirairay, ny fahaizana ara-tsaina tsirairay dia tsy maintsy nanaiky fa marina ilay izy; ary marina izy, hatreо.

¹¹⁴ Koa marina izy rehefa nilaza tamin'i Eva hoe, "Hisokatra ny masonareo, dia hahafantatra ny tsara sy ny ratsy ianareo. Ary ho tahaka an'andriamanitra ianareo, amin'izany, mahafantatra ny tsara sy ny ratsy," satria Andriamanitra tsy mbola namela azy ireo hahita ny tenany, hoe nitanjaka izy ireo. Noho izany dia fantatr'izy ireo fa hahafantatra ny tsara sy ny ratsy izy ireo; ary marina izy. Saingy, hitanareo, nifanohitra tamin'ny Tenin'Andriamanitra ilay izy.

¹¹⁵ Ary toy izany no ataon'ireo mpitoriteny ao amin'ny seminera, mianatra teolojia nataon'olombelona; toa ohatry ny marina ilay

izy, mety ho fahazoana tsara an'ilay zavatra ilay izy, saingy diso izany.

¹¹⁶ Tsy mila mahazo Azy isika. Mino Azy isika satria Andriamanitra no nilaza fa izany ilay izy, ary milamina hatreo mandrakizay izany. Ny zavatra manontolo, dia izany no fomba hinoana Azy.

¹¹⁷ Oh, toy ny ahoana no nitsiriritan'i Eva hananana Ph.D., hitanareeo, toy ny ahoana no nitsiriritany ny hahay bebe kokoa noho ny naha-izy azy!

¹¹⁸ Mariho fa tena mitovy, ilay lehilahy sy ny vadiny... Ankehitriny mariho, ilay lehilahy sy ny vadiny, izy roa dia samy nitanjaka tao amin'ny sahan'i Edena, Edenan'Andriamanitra.

¹¹⁹ Ankehitriny dia hamarana aho. Nilaza aho fa hihazona anareo minitra vitsy fotsiny aho. Jereo, diniho ankehitriny, raha mamarana.

¹²⁰ Ampitahao izany ankehitriny, fa tena mitovy ilay lehilahy sy ny vadiny, izy roa tao amin'i Edenan'Andriamanitra, tsy nisy tapa-damba anankiray teny amin'izy ireo, nefo tsy fantany izany. Fa nahoana no tsy fantatr'izy ireo izany? Satria voasaronava teo amin'ny fahatsapan'ny fitanjahana izy ireo, tamin'ny alàlan'ny Fisaronana Masina, an'ny Fanahy Masina. Afaka nifampijery tsara izy ireo, nefo tsy nahafantatra izy ireo hoe nitanjaka izy ireo. Voasaron'ny Fanahy Masina izy ireo, an'ny fahamasinana. Voasaronava izy ireo.

¹²¹ Ny fisaronan'Andriamanitra, amin'izao andro izao koa, dia afaka mijery fa tsy mitsiriritra. Manodina ny lohany izy ireo. Fisaronana Masina izany, hitanareeo, Fisaronana Masina. Nalain'Andriamanitra ny mason'izy ireo...izy roa dia, ny iray dia lehilahy ary ny iray hafa dia vehivavy, ary tsy nahafantatra izy ireo fa nitanjaka izy ireo, satria ilay fahamasinan'Andriamanitra no nihazona ny mason'izy ireo ho voasaronava. Mariho, nafenin'Andriamanitra tamin'ny fieritreretan'izy ireo ny fahotana, tamin'ny alàlan'ilay Fisaronana Masina.

¹²² Maniry aho ny hananantsika fotoana hijanonana eo amin'izany, minitra vitsy. Jereo eto, "Fa izy, ny mpivavaka izay nodiovina indray mandeha," Hebreo, "ny mpivavaka nodiovina indray mandeha, dia tsy manana fahatsiarovana ny fahotana intsony." Efa niala taminy ny fahotana.

¹²³ Nandre an-dRahalahy Neville aho niteny, aninkeo maraina; mety nisy olona nanontany azy hoe nahoana aho no tsy nitory ny amin'ny Fanahy Masina, nahoana aho no tsy nanao an'ity. Izao ilay izy. Ny Fanahy Masina dia ilay asa ao anatinareeo. Fiainana anankiray Izany, fa tsy fihetseham-po; tsy karazana porofo ara-nofo. Fa Olona anankiray Izany, Jesosy Kristy, ilay Tenin'Andriamanitra voaorina ao am-ponareeo, mba hamelombelona ny Teny tsirairay an'izao taona izao.

Marina. Jereo ilay Fanahy Masina miasa, tsy hoe ao anatin'ny fihetsiketsehana betsaka; fa, miasa, izay Ataony araka ny Teny.

¹²⁴ Mariho ankehitriny fa ilay Fanahy Masina, an'ny Teny Masin'Andriamanitra, no nanao lehilahy iray sy vehivavy nitanjaka, nefo tsy fantany izany. Mahafinaritra toy ny ahoana, ilay Fiainan'ny Teny; ilay Voa, ilay Teny!

¹²⁵ Hoy Andriamanitra hoe, “Misy hazo anankiray ao afovoan’ny saha, ilay vehivavy. Ary ao afovoan’ny saha no misy an’io hazo io; aza mikasika azy akory. Fa, amin’ny andro hihinanareo azy, amin’izay andro izay dia maty ianareo.” Voaisy sarona masina tamin’izany izy ireo, tsy nahafantatra na inona na inona mikasika an’izany, tsy sahy nikasika an’ilay izy.

¹²⁶ Voaisy sarona masina izy ireo. Voaaro tao amin’ny fialofan’Andriamanitra izy ireo. Velona izy ireo. Tsy nisy fahafatesana nanodidina azy ireo. Haleloia! Samy nanana an’ilay fitiavana tanteraka izy ireo, Fiainana tanteraka mandrakizay. Nanana ny fitiavana tanteraka izy ireo, fahazoana tanteraka ny fitiavana an’Andriamanitra. Nanana ny Tenin’Andriamanitra izy ireo, ary nihazona an’Izany. Ary velona izy ireo sady voaaro tao amin’i Edenan’Andriamanitra, tsy nisy fahafatesana, mihitsy, nanodidina.

¹²⁷ Avy eo, dia nalain’i Satana mba hihaino ny filazantsaran’ny teolojiany i Eva, ilay filazantsaran’ny fahalalana, fianarana ambony, etika ambony, fandrosoana tsaratsara kokoa, fampianarana ambony, sy ny sisa; tamin’izay fotoana izany rehefa azony ilay...izy hijanona sy hihaino azy iray minitra, tamin’ireo fiheverany (izay nandidiana antsika mba harodana), rehefa azony izy mba hihaino an’ilay izy.

¹²⁸ “Ankehitriny, jereo aty, ny fiangonana dia *izao-sy-izao*. Efa voaorina hatry ny ela izany. Izahay no iray amin’ireo fiangonana tranainy indrindra eto amin’ny firenena. Mankao ny ben’ny tànana.” Tsy ahoako na inona ilay izy, hitanareo. Raha manohitra ny Tenin’Andriamanitra ilay izy, dia tohero izany. Fahavalonareo izany. Ny zavatra rehetra izay manohitra ny Teny no fahavalonareo.

¹²⁹ Ny zavatra rehetra izay momba ny Teny no rahalahinareo. Ampahanareo izy.

¹³⁰ Mariho, nesoriny ilay Fisaronana Masina, mba hahita hoe inona marina izany taovam-pananahana izany; ampitahao io, inona marina no hataon’ilay fitsiriritana. Nesoriny teo amin’ny masonry ilay Fisaronana, ilay zavatra masina izay napetrak’Andriamanitra teo amin’ny masonry. Nila fahalalana izy, mba hahafantatra hoe inona daholo ny mikasika an’izany; koa dia nesoriny ilay Fisaronana mba hahita hoe inona daholo ny mikasika an’izany. Nihaino an’ilay devoly izy, ary mariho hoe toerana inona no nametrahany azy.

¹³¹ Nanao tahaka an'izany izy ireo tao amin'ny taona tsirairay nanaraka, naka an'ilay lafiny ara-pahaizana foana; ary ankehitriny dia nanorina fanjakana anankiray an'i Satana, fahalalana, ilay voa izay nafafiny, ary nanao an'izao tontolo izao ho Edenan'ny fahafatesana anankiray.

¹³² Ankehitriny mariho. Ankehitriny jereo ao amin'ny Apokalypsy 3, ilay Taonan'ny Fiagonana Laodikia. Eritrereto ao anatin'ny fisainanareo izany.

¹³³ Ankehitriny mariho. Izy, Eva, dia mpanjakavavin'i Satana. Hitanareo, Satana, ilay menarana, no nandeha tany amin'i Eva talohan'ny nandehanan'i Adama teo aminy. Hitanareo? Marina izany. Koa dianofitahiny izy, hitanareo; noho izany dia Satana, ilay menarana, no vadin'i Eva talohan'ny nahalalan'i Adama azy. Hitanareo, nofitahiny izy. Ny Baiboly no nilaza fa nanao izy, ary fantany fa nitanjaka izy, tamin'izay fotoana izay. Hitanareo?

¹³⁴ Ankehitriny dia jereo ny—ny Taonan'ny Fiagonana Laodikia. Izy, Eva, dia mipetraka ho mpanjakavavin'i Satana. "Manan-karena tamin'ny fananan'izao tontolo izao izy; jamba, mitanjaka indray, nefo tsy fantany izany," tena tahaka ny tao amin'i Edenan'Andriamanitra mihitsy. Saingy ankehitriny, tsy hoe ilay Fisaronana Masina no eo amin'ny tarehiny, fa fisaronan'ny fitsiriritana. Fa, nesoriny ny Fisaronana Masina an'Andriamanitra, ary napetrany ny fisaronana anankiray an'ny fahalalana, mba hitsiriritana. Ary ankehitriny dia manana fisaronam-pitsiriritana anankiray izy, mba hahatonga azy ho "jamba" amin'ny maha-fahotana an'izany. Izy dia "mitanjaka" eny an-dàlambe, "nefa tsy fantany izany." Mpivaro tena anankiray izy eny an-dàlambe. Ireo vehivavy miaraka amin'ireny sorta ireny, eo imason'Andriamanitra, dia mpivaro tena anankiray, "nefa tsy fantany izany."

¹³⁵ Mariho, alaivo ireo vehivavintsika. Ankehitriny, raha tianareo ny hahita hoe inona no toerana misy an'ilay fiagonana, dia diniho ny fomba fihetsik'ireo vehivavy. Maneho ny fiagonana foana izy. Tao amin'i Edenan'i Satana, dia fahotana sy tsy finoana, fanimbana fivavahana; fanjakana simba. Raha tokony handray ny Tenin'Andriamanitra, dia ilay fianaranara aratsain'olona no noraisin'izy ireo. Ary raha tokony handray ny Fiagonana, dia ny rafi-pandaminana no noraisin'izy ireo, ary entin'izy ireo eo amin'ny loha lehibe anankiray izany.

¹³⁶ Ankehitriny mariho, simba avy tamin'ny tsy fahalalana. Aza diso an'ity ankehitriny. Ny fiagonana dia niaraka tamin'io fisaronam-pitsiriritana io. Mariho hoe inona no nataon'izany taminy. Izany dia—izany dia nanimba azy avy tamin'ny tsy fahalalana nankao amin'ny fahalalana. Hitanareo? Tamin'ilay Fisaronana Masina, dia tsy nahalala izy; niaraka tamin'ilay fisaronam-pitsiriritana, dia mpahalala izy. Fantany fa mahafinaritra ilay izy. Fantany hoe inona no ataon'ilay izy,

hitanareo. Voankazo anankiray ilay izy, hazo iray mahatsiriritra, mampahendry. Hitanareo? Simba avy tamin'ny tsy fahalalana izy nankao amin'ny fahalalana, avy tamin'ny fahamasinana nankao amin'ny fahalotoana sy fitsiriritana, ary avy tao amin'ny Fiaianana nankao amin'ny fahafatesana.

¹³⁷ Tsy maintsy ho faty io fanjakana io. Ho faty io fanjakana io! Ilay Andriamaniry ny Lanitra no hamotika azy hiala amin'ny tavan'ny tany.

¹³⁸ Mariho, ao amin'io fanimbana io, izany no nahatonga ny lehilahy iray ho vehivavy iray, ary vehivavy iray ho lehilahy iray, “nefa tsy fantany izany.” Tena vokatra tsara anankiray avy amin'i Edenan'i Satana, raha hijery ny eny an-dàlambe ianareo androany, amin'ireo vahoakantsika moderina.

¹³⁹ Mariho, i Eva no nampiasain'i Satana hampanota an'i Adama tamin'ny alalan'ny herin'ny fitsiriritany. Ankehitriny dia mitovy, manao an'ilay zavatra mitovy amin'izao andro izao. Mariho, volo tapaka, endrika miloko, akanjo mampiseho fitanjahana, hitanareo, manao an'izany izy, nefo tsy fantany fa ny tsirairay amin'ireo zavatra ireo dia mifanohitra amin'ny Tenin'Andriamanitra. Ny manapaka ny volony, dia manao azy ho vehivavy afa-boninahitra, mpivarotena anankiray. Ny manao sorta, manao azy ho afa-baraka. Manao akanjo mampiseho fitanjahana, manao azy ho mpivarotena. “Nefa tsy fantany izany,” tsy noho ilay fahamasinan'Andriamanitra; fa noho ilay fitsiriritan'i Satana. Izany no nahatonga azy... Izany no mahatonga an'ilay Adamany hitsiriritra azy.

¹⁴⁰ Nesoriny ilay akanjo izay nampitafian'Andriamanitra azy, tany Edena tany, ho an'ny diany mankany amin'ilay—ity anefitra ity. Nesoriny ireo. Nampitanjaka ny tenany izy. Fa, Andriamanitra no nandrakotra azy manontolo tao anatin'ny hoditra; izy nanomboka nanaratra tsikelikely foana, ankehitriny dia miverina tany amin'izay na ha-izy azy tany amin'ny fiandohana izy.

¹⁴¹ Ankehitriny dia manao an'ilay Adamany hanao ny atin'akanjony izy. Lehilahy anankiray izay manao an'ireny sorta sarimbavy kely ratsy ireny, dia mivoaka eto, tsy mino aho hoe misy momba ny lehilahy betsaka ao aminy. Izy no sarimbavy lehibe indrindra izay fantattro. Hitanareo? Hitanareo, nalainy ilay Adamany simba mba hanao tahaka azy, hitanareo, manao ny atin'akanjony. Hitany izay mety ho vitany tany rehefa nesoriny daholo ny akanjony rehetra afa-tsy ny atin'akanjony ihany. Ireo sorta izany. Mazava ho azy, izany no atin'akanjom-behivavy, ary indro fa manao an'ireny ilay Adamany ankehitriny. Izay, araka ny Tenin'Andriamanitra tany am-piandohana, “Dia fahavetavetana ho an'ny vehivavy ny manao fitafian-dehilahy, ary ny lehilahy manao fitafiam-behivavy,” avy amin'ny Teny tany am-piandohana. Eritrereto izany!

¹⁴² Ankehitriny, izy ankehitriny dia manao an'ireo sangany, ihany koa. Bangoiny midina izany, asiany fitazonam-bolo eo aminy. Ny anankiray amin'ireo fampisehoana mankarary indrindra izay mbola tsy hitako teo amin'ny fiainako, dia ny anankiray amin'ireo ankizy eto amin'izao andro izao miaraka amin'ireny sangany bangoina midina tahaka an'izao, sady miloko, volo mitentitentina, miaraka amin'ny karazana zavatra misy peroxyde, ary manentitentina ny volony, sy manodina an'ilay izy ao amin'ny fitazonam-bolo, manao sanga. Sarimbavy be ianareo! Tena zavatra ratsy anankiray lazaina avy ety amin'ny polipitra izany, saingy ny fitsarana dia manomboka ao amin'ny tranon'Andriamanitra. Tsy fantatrareo akory aza hoe lehilahy ianareo sa vehivavy. Ary azoko fa ny Tafik'i Etazonia antsika dia hivoaka ao anatin'ny sorta amin'ny manarakaka. Marina izany. Hitanareo ve hoe inona ilay fanimbana? Fitafiam-behivavy izany; izy manao ny sangany.

¹⁴³ Indray andro aho dia tany, tao amin'ny Howard Johnson; tsy ilay anankiray eto, fa anankiray eo amin'ny lâlana mivoaka. Ary nipetraka tany fotsiny aho tao anatin'ny fahagagana. Indro tonga ny zazalahy kely anankiray, nisokatra ny vavany. Ary nanana volo mainty izy *teto*, ary bangoiny mankaty amin'ity ilany ity; dia nasiany fanodinam-bolo anankiray teo amin'ilay izy, ary nasiany fitazonam-bolo teo amboniny, teo ambonin'ny masonry; mijery an'ilay eo ambonin'ny masonry, mandehandeha. Raha mbola tsy nahita fanimbana anankiray mihitsy aho! Hitanareo, tsy hino an'izany izy. Afaka hanaporofa angamba izy fa hoe lahy izy, saingy ao amin'ny fanahiny kosa dia vavy izy. Tsy fantany hoe lafiny inona amin'ilay trano no misy azy. Marina izany. Simba toy ny ahoana!

¹⁴⁴ Izany no atao'n'i Satana. Simbainy ny firenena. Simbainy ny fiangonana. Simbainy ny olona. Mpamitaka anankiray izy, mpanimba an'ilay Fahamarinana tany am-piandohana.

¹⁴⁵ Nanao ny lehilahy ho lehilahy Andriamanitra. Nanao ny vehivavy ho vehivavy Izy. Ary samihafa no Nampitafiany azy ireo, ary ny Tiany hataon'izy ireo dia ny hijanona amin'izany fomba izany ka hanao tahaka an'izany; ny anankiray dia vavy, ary ny iray hafa dia lahy. Nosarahany i Adama tao amin'ny sahan'i Edena, ary nataony izany, nosarahiny taminy i Eva.

¹⁴⁶ Ankehitriny manao ny sangany izy; izy kosa manapaka ny volony hitovy amin'ny azy, ary izy miezaka hitafy ny azy ho tahaka an'ireo azy. Hitanareo? Izy mitafy ny ivelan'akanjony, ary izy kosa mitafy ny atin'akanjony. Ankehitriny, toy ny hoe fanambaniana izany, saingy tsy izany no fomba tiako ilazana azy. Izany no Fahamarinan'ny Filazantsara tanteraka. Raha tsy fantatrareo izany, dia misy zavatra tsy mety ao aminareo ao; na ianareo jamba na tsy mbola teny an-dàlambe mihitsy. Ary izy dia mihevitra ary izy koa dia mihevitra fa mety ilay izy, dia hijanona ao foana izy ireo.

Hoy ireo vehivavy hoe, “Eny, mafana loatra ny andro!”

¹⁴⁷ Ilay Apache Indiana antitra any lavitra any dia hanao anareo ho menatra ny tenanareo. Arakaraky ny mampafana azy ireo, no hanampiany akanjo betsaka, mba hiarovany amin'ilay masoandro; oh, mahatsemboka izany, mba hahafahanareo mahazo rivotra mangatsiaka rehefa mamindra izy ireo. Hitanareo? Mitsangana ao amin'ny masoandro mihitsy izy ireo.

¹⁴⁸ Ianareo tsy mahatanty na inona na inona; hitsovaka ianareo ary ho may. Fa, hitanareo, izany ilay antsoinareo hoe fampianarana ambony. Ny siansa moderina no namokatra an'izany. Oh, oadray! Io izy io, “mitanjaka,” ao amin’ny Laodikia, “nefa tsy fantany izany.”

¹⁴⁹ Nitanjaka izy tao Edena. Hitanareo ve ilay fitovian’ireo fanjakana anankiroa? Ny anankiray dia avy amin’ny fahotana sy fahafatesana; ny anankiray hafa dia Fiainana sy fahamarinana. Tao amin’izany izy no voasarona tamin’ny Fisaronana Masina. Samy nitanjaka izy roa; tsy fantatr’izy ireo izany. Tsy nahafantatra na inona na inona mikasika an'izany izy ireo, satria voasarona tamin’ny Fanahin’Andriamanitra izy ireo.

¹⁵⁰ Ary indro izy ireo eto fa voasaron’ny fitsiriritana, ary nifampijery izy ireo mba... Hitanareo, afaka njery an'i Eva i Adama, nefà tsy nahafantatra fa hoe nitanjaka izy. Fa ankehitriny miaraka amin’io fisaronam-pitsiriritana io, dia tsy fantany akory hoe mitanjaka izy, saingy ataony ao ambanin’io fisaronam-pitsiriritana io ilay izy mba hanao ny lehilahy hijery azy. Izany ihany no zavatra tokana azony anaovana an'io. Tsy mino an'izany ianareo, saingy ataoareo ilay izy na izany aza, ary mijery ny lehilahy. Ary hitany fa manana fanintonana betsaka ianareo, hany ka tonga izy ka manao ny sasany amin’ireo akanjonareo eny amin’ny tenany.

¹⁵¹ Oh, fanimbana toy ny inona! Taona toy ny inona! Andro inona no misy antsika... Famitahaha toy ny ahoana ilay izy! Oh, ireo zavatra rehetra ireo, “nefa tsy fantany izany,” tena fanahy simba tanteraka no ao amin'ilay lehilahy. Voasaron'ilay fitsiriritan'i Satana izy, ary ilay vehivavy dia toy izany, ihany koa. Fanahy satanika avy amin'ilay fikambanana lehibe izany. Hitanareo, tsy mahafantatra izy ireo, saingy rafi-pandaminana anankiray izy ireo. Vehivavy miaraka amin’ny sorta, no mikambana amin’ny rafi-pandaminana anankiray. Ny lehilahy miakanjo tahaka an'izany, dia ao amin’ny rafi-pandaminana anankiray. Homeko anareo ny fanafoizan-tenin'izany, B.S.S., Big Sister Society, [Fikambanan’ny Anabavy Lehibe—Mpand.] ka dia izany no ikambanan’izy ireo. Mivoaha ao, fikambanana sarimbavy lehibe anankiray, miaraka amin’ireo pataloha keliny ratsy, santionan-javatra lehibe ratsy, endri-javatra maloto. Izaho—izaho...

¹⁵² Ry lehilahy, mety tsy hitovy hevitra amiko angamba ianareo amin'izany, saingy izany no Fahamarinana. Efa nosimbaina ianareo nefo tsy mahafantatra an'izany. Tsy izy ianareo, tsy manao tahaka ny lehilahy anankiray intsony. Hitanareo, lasa tena malemy; ary, ny zanak'izy ireo, dia ho tsinontsinona amin'izy ireo intsony; ireo lehilahy, sy ireo vehivavy, ihany koa. Fikambanana anankiray izy ireo. Misy rafi-pandaminana anankiray ao. Nahoana? “John, ilay mifanila varavarana, dia manao sorta, nahoana aho no tsy mahazo? Tian'i Luella hanao an'ireny aho satria nanao an'ireny i John, ilay mifanila varavarana. Ary, eny, raha—raha afaka manao an'ireny i Susie Jane, dia afaka manao an'ireny koa izany i Martha Jane, na i Susie Lou,” na iza ilay anarany, hitanareo. Hitanareo, fikambanana anankiray ilay izy. Rafi-pandaminana anankiray ilay izy. Mikambana ara-panahy amin'izany ianareo, nefo tsy fantatrareo ilay izy.

¹⁵³ Raha izany ilay izy, ary hitantsika fa izay ilay izy, dia nohajambaina izany ianareo. Nohajambaina tamin'ireo anarampiangonana ireo izany ianareo izay nanolankolanan'i Satana anareo tao. Ary izany no fanimbana an'ilay Tenin'Andriamanitra tany am-piandohana, sy ny Fanjakany, ary ny Drafiny ho an'ireo Zanany. Naolankolan'i Satana tao anatin'ireo zavatra ireo ny lehilahy sy ny vehivavy, nefo tsy fantatr'izy ireo izany. Simba anankiray!

¹⁵⁴ Tsy zanak'Andriamanitra intsony! Sanga no mihantona eo amin'ny tarehiny, sy manao sorta, mivezivezy eny an-dàlambe; zanak'Andriamanitra, diakona ao amin'ny fiangonana iray, pasitera eny amin'ny polipitra? Tsia, tsy zanak'Andriamanitra izany. Tsy nandalo tao amin'ny Fanatatavanana'ny fisainan'Andriamanitra mihitsy izy. Tsy hanao an'ireny akanjom-behivavy ireny izy; azo antoka fa tsy hanao izy; na hanao an'ireny akanjon-dehilahy ireny izy. Hitanareo, tsy zanak'Andriamanitra izy. Zanakalahin'i Satana izany, ary zanakavavin'i Satana. Zavatra mafy ho lazaina!

¹⁵⁵ Nahomby i Satana tamin'ny fanimbana sy ny nakàna an'ity izao tontolo izao ity, ary nanao azy ho fanjakany; napetraka teo io lehilahy io, tamin'ny alàlan'ny safidy malalaka, mba hifidy ho an'ny tenany izay karazam-piainana nirian'izy ireo. Ary izany no maneho an'izay ao am-ponareo. Hitanareo? Ny feonareo... Mba fantatrareo moa? Ireo fihetsikareo dia miteny mafy loatra, ka manempotra ny feonareo ilay izy. Ah-hah!

¹⁵⁶ Avelao aho handeha any amin'ny lehilahy anankiray. Ary hoy izy, “Oh, izaho... Kristiana izahay rehetra. Mikambana amin'ny fiangonana izahay.” Nefo ireo sary mitanjaka no mihantona eran'ny biraony? Hah! Tsy hanisy fahasamihafana amin'izay nolazainy tamiko mihitsy izany, mahafantatra tsaratsara kokoa aho; toy izany koa ianareo.

¹⁵⁷ Avelao ny vehivavy anankiray hilaza fa Kristiana izy, miaraka amin'ny volo fohy? Hah-ah! Mahafantatra tsaratsara kokoa noho izany ianareo, hitanareo. Eny, tompoko. Avelao izy hilaza fa Kristiana izy, manao lokon-tarehy sy tentitentina, sy sorta, nefà milaza fa Kristiana izy? Mahafantatra tsaratsara kokoa noho izany ianareo. Ny Tenin'Andriamanitra dia mampianatra anareo tsaratsara kokoa noho izany. Ny Teny no milaza fa tsy mahazo manao an'izany izy ary tsy Kristiana. Mahafa-boninahitra mihitsy aza izy, sy ny sisa. Ahoana no hametrahan'Andriamanitra zavatra anankiray mahafa-boninahitra ao amin'ny Fanjakany? Tsia, tompoko, tsy izany mihitsy. Tsia, tompoko. Ny tenan'izy ireo ihany, no maneho ny faniriany.

¹⁵⁸ Tsy afaka maka voromailala anankiray hihinana miaraka amin'ny volotora iray ianareo, tsy izany mihitsy. Ny voromailala dia tsy manana afero. Tsy afaka mihinana an'io fatim-biby antitra io izy. Raha vao maka kely fotsiny izy, dia hamono azy izany, ary fantany izany. Fa ny volotora no afaka mihinana zavatra betsaka arak'izay tiany. Hitanareo? Manana afero maro izy.

¹⁵⁹ Arak'izany dia mahita ianareo, fa izany ilay fomba miaraka amin'izao tontolo izao ankehitriny, zavatra mitovy, "Mitanjaka izy ireo, jamba, nefà tsy fantany izany."

¹⁶⁰ Satana no nanao an'izany tamin'ny alàlan'ny fitsiriritan'ny vehivavy ny fahalalana, ny filàna, izaynofidiny tamin'ny alàlan'ny fididianany manokana. Ankehitriny mariho, i Eva no nitarika an'i Adama ho any amin'ilay ratsy, ary ilay vehivavy no nanala ny akanjony talohan'ny nanalan'ilay Adamany ny azy. Hitanareo? Ilay vehivavy, foana. Izany foana ilay izy. Mbola ilay fomba mitovy ihany.

¹⁶¹ Ilay fiangonana no mitarika an'ilay lehilahy ho diso lèlana. Ilay fiangonana, hitanareo, no mitarika an'ilay lehilahy izay te-ho zanak'Andriamanitra. Ilay vehivavy izany, ilay fiangonana. Tsy ny Baiboly, Andriamanitra, satria ny Baiboly no lehilahy. Oh, hia, "ny Teny dia tonga nofo," ary Lehilahy anankiray Izzy. Hitanareo? Ny Baiboly no lehilahy; ny fiangonana no vehivavy. Hitanareo? Tsy ny fiangonana no...ny Baiboly no mitarika ny lehilahy ho diso lèlana. Ny fiangonana no mitarika azy ho diso lèlana. Ny fiangonana no nampitanjaka azy, fa tsy ny Baiboly. Hitanareo? Tsia, tokoa. Ny Baiboly dia miteny aminy fa mitanjaka izy. Eny, tompoko.

¹⁶² Ankehitriny mariho hoe ahoana, tamin'ny alàlan'ny filàna, filàna ara-nofo, no nitsiriritan'ny fahalalana, mba hahafantarana hoe inona *izany*, sy hoe ahoana, na tsara io voankazo io na tsia. Dia nataony izany.

¹⁶³ Halain'Andriamanitra indray izany indray andro any, na izany aza, amin'ny alàlan'ny Lehilahy anankiray. Nafoin'ny

vehivavy anankiray izany. Saingy navotan'ny Lehilahy anankiray; ilay Lehilahy, Jesosy Kristy, izay ny Teny.

¹⁶⁴ Ary avy eo dia inona ilay izy? Mariho, eto am-pamaranana. Teto vao tsy ela akory izay, dia nanao an'ity filazana ity aho. Mbola manana pejy efatra na dimy aho eto, saingy izaho... an'ny Soratra sy ireo zavatra izay tiako hiankinana. Fa, henoy. Ndao isika hamarana, amin'ny filazana an'izao.

¹⁶⁵ Tsarovy, teto vao tsy ela akory izay, dia nampianatra anareo ny amin'ny Trompetra Fito aho, ny fetin'ny trompetra, sy ny sisa. Ary hoy aho hoe, "Misy fetin'ny andro fahavaloo anankiray." Noho izany, ny andro fahafito no ho andro farany, izany no ho Arivo taona. Saingy misy fetin'ny andro fahavaloo anankiray; fa, raha izany no fahavaloo, ka tsy misy afa-tsyo andro fito, dia izany no hanao an'ilay izy ho andro voalohany indray, miverina avy hatrany amin'ilay andro voalohany. Noho izany, rehefa tapitra ilay Arivo taona, amin'izay fotoana izany dia hisy Edena voaorina anankiray indray izany. Ho azo indray ilay Fanjakan'Andriamanitra lehibe. Satria, Jesosy no niady an'izany tamin'i Satana, tao amin'ny sahan'i Getsemane, ary nahazo indray an'ilay Edena; fa, lasa Izy nanamboatra any An-danitra, mba hiverina indray, any An-danitra ambony any. Hoy Izy hoe, "Aza malahelo ny fonareo."

¹⁶⁶ Rehefa tety an-tany Izy, dia hoy Izy hoe, "Ianareo, ianareo Jiosy, ianareo dia nino an'Andriamanitra. Ankehitriny, Fantatso fa nahazo anaran-dratsy Aho," hoy Izy. "Ary izy ireo dia milaza fa Izaho dia *izao*, ny *hafa*. Nefa, nino an'Andriamanitra ianareo; ary tahaka ny ninoanareo an'Andriamanitra, dia minoa Ahy koa." Andriamanitra Izy, voaseho. Hitanareo? "Minoa koa..."

¹⁶⁷ "Ao an-tranon'ny Raiko misy maro..." Na, "Ao amin'ny tetik'asan'ny Raiko, ao amin'ny drafity ny Raiko misy lapa maro. Handeha hanamboatra toerana anankiray Aho." Jereo hoe firy ny halavany, diman-jato sy arivo maily efajoro! Lazao, aiza ilay izy? Lasa nanamboatra azy Izy. Izy no Mpamorona. Izy no mamorona an'io volamena rehetra io. Tantera-pahazavana ny lalana. Izy no Mpamorona. Manao toerana anankiray Izy. Ao amin'ny Apokalypsy 21, dia hoy izy hoe, "Ary izaho Jaona nahita ny Tanàna masina, ilay Jerosalema Vaovao, midina avy amin'Andriamanitra any An-danitra."

¹⁶⁸ "Tsy nisy ranomasina intsony; efa lasa ny lanitra voalohany sy ny tany voalohany." Inona ireo lanitra voalohany antsika? Ilay Arivo taona izany. Inona ilay tanintsika voalohany? Ity izany. Havaozina izy. Tena tahaka ny nanaovan'i Noa batisa azy mihitsy, tamin'ny andron'ny fitoriany; nohamasinin'i Kristy izy, raha namafy ny Ràny teo aminy Izy; ary havaozina, hesorina ireo tsimok'aretina rehetra sy ny sisa amin'izany, ao amin'ilay fanavaozana any amin'ny farany, amin'ny batsian'ny Afo izay

hamono ny tsimok'aretina rehetra, ny faharariana rehetra, ny aretina rehetra, ny loto rehetra izay nisy teto an-tany.

¹⁶⁹ Hipoitra indray izy, ary hivoaka ny Tany Vaovao. "Ary nahita Lanitra Vaovao sy Tany Vaovao aho. Ilay lanitra voalohany, ity tany voalohany ity, dia lasa; ary tsy nisy ranomasina intsony. Ary izaho Jaona dia nahita an'ilay Tanàna masina, ilay Jerosalema Vaovao, midina avy amin'Andriamanitra any An-danitra." Eo Andriamanitra no hijaraka amin'ireo tena Toetrany, zanakalahy sy zanakavavy, eo no Hahafahany hiombona miaraka amin'izy ireo ao amin'ny fahamasinana, miaraka amin'ny mason'izy ireo jamba amin'ny fahotana rehetra. Tsy hisy fahotana intsony manomboka eo.

¹⁷⁰ Ndao isika hikezaka mafy; aza mety hofitahina amin'izao andro izao, fa, "mikezaha mba hiditra ao amin'ilay vavahady."

¹⁷¹ "Fa izay rehetra ho tavela dia ireo vetaveta, mpitsiriritra." "Izay rehetra mijery vehivavy ka mila azy dia efa njangajanga taminy sahady." Ireo rehetra... any ivelany dia ireo vehivavy ratsy fitondran-tena, lehilahy ratsy fitondran-tena, sy ny sisa.

¹⁷² Fa ireo navotana irery ihany, ary ao anatin'ny Bokin'ny Fiainan'ny Zanak'ondry, no hiditra ao amin'ilay vavahady. Noho izany dia mikezaha, ry sakaiza; aza mety hofitahina amin'izao andro farany izao.

¹⁷³ Fotoana lehibe anankiray izao. Ny olona rehetra dia manambola. Ny olona rehetra dia afaka manao an'ity, ary ny olona rehetra dia afaka manao an'itsy, ary ny vola dia mikorina eny rehetra eny, sy ireo fiara lehibe, sy ny sisa. Tsy hisy anankiray amin'ireo ao amin'io Tanàna io. Tsy hisy fiara anankiray, fiaramanidina anankiray. Tsia. Ho fandrosoana anankiray hafa tanteraka izany. Ho fandrosoana anankiray tsy misy fahalalana indray izany, tsy misy siansa, fa fahadiovana, sy finoana an'Andriamanitra velona.

¹⁷⁴ Ndao isika hikezaka mba hiditra ao amin'Izany. Fa izany no tanjoko manontolo, dia ny hiditra ao amin'io Tanàna io indray andro any; ary hitodika fotsiny, tonga miaraka amiko, mijery ny tsirairay aminareo mamindra, rehefa mihira isika hoe, "miditra ireo masina." Te-ho ao anatin'io isa io aho rehefa miditra ireo masina.

Ndao isika hivavaka.

¹⁷⁵ Ray An-danitra Malala, satria mifarana ny andro, ka hitanay miha-manakaiky izany, miha-manakaiky ilay teny fikasana. Mivavaka izahay, Andriamanitra Malala, mba Hametrahanao an'izany ao am-ponay, ka tsy hanaovanay fahadisoana. Andriamanitra Malala, tazony ho madio ny fieritreretanay. Tazony ho voasarona ny fonay, Tompo, ny masonay ho voasarona amin'ireo zavatr'izao tontolo izao, sy ireo zava-poanan'izao tontolo izao, voninahim-poana ho lasa olona lehibe anankiray.

¹⁷⁶ Tsy mampaninona na lehibe toy ny inona aza izy ireo, ny mpanjaka rehetra, mpanapaka, manam-pahefana, sy ny sisa hafa dia tsy maintsy ho faty, ary tsy hitsangana izy ireo ao amin'ilay faha-...ao amin'ilay fitsanganana voalohany. Fa voasoratra hoe, "Sambatra sy masina izay manana anjara amin'ny fitsanganana voalohany, izay tsy hananan'ny fahafatesana faharoa fahefana." O Andriamanitra! "Ilay fahafatesana faharoa," ilay fahafatesana ara-panahy, "dia tsy manana fahefana"; navotana izy!

¹⁷⁷ O Andriamanitra, ny mieritreritra fa amin'ny iray amin'ireo ora ireo, dia hisy anankiray hamangy ny anankiray hafa, dia hakarina. "Roa eo am-pandriana; halaina ny anankiray, ary havela ny anankiray. Roa eny an-tsaha; Halaiko ny anankiray, ary havela ny anankiray."

¹⁷⁸ O Andriamanitra, ampio izahay mba hadio eo—eo Imasonao, Tompo, tsy mampaninona izay hiheveran'ny olona anay, izay lazain'ny olon-kafa. Tompo, aoka ilay masinay... ny firesakay ho masina. Aoka izany hiharo tsara amin'ny Tenin'Andriamanitra; tena mifangaro, Tompo, mba tsy hisy hafetsena ho hita ao anatinay. Raha mbola miangavy izahay, ao amin'ireo fahadisoanay manokana, dia ny Ràn'i Jesosy Kristy anie no hitsangana eo anelanelanay sy Andriamanitra, mba hiondrika hijery anay anie Izy amin'ny alàlan'ilay Ràn'i Jesosy; tsy eo amin'ny fahamarinanay manokana, na hoe iza izahay, inona no vitanay, fa eo amin'ny Fahamendrehany irery ihany. Andriamanitra, ekeo izany!

¹⁷⁹ Enga anie tsy hisy anankiray izay mipetraka eto izao hariva izao ka nandre ny Hafatra, enga anie ny anankiray amin'izy ireo tsy ho very, manomboka amin'ny ankizy kely indrindra ka hatramin'ny olona antitra indrindra. Enga anie ny fanirian'izy ireo masina mba ho an'Andriamanitra irery sy ny Teniny. Tsy fantatray hoe amin'ny firy no mety Hisehoany, na amin'ny firy no mety Hiantsoany anay hamaly any ambony any ao amin'ilay Fitsarana. Tsy fantatray hoe amin'ny firy Izy no mety, raha izay no izy, haka ny karatray ao amin'ilay talantalana, hanao hoe, "Ora fodiana any an-trano izao. Tsy maintsy mandeha ianao." Andriamanitra, ampio izahay mba hijanona ho madio. Ekeo izany, Tompo.

¹⁸⁰ Enga anie izahay ho velona hatramin'ny Fihavian'ny Tompo, raha azo atao. Enga anie izahay hanao ny zavatra rehetra izay ao amin'ny fahefanay, miaraka amin'ny fitiavana sy ny fahazoana, fahazoana fa Andriamanitra dia mitady eran'izao tontolo izao, amin'izao andro izao, mba hahita an'ireo ondry very rehetra. Ary enga anie izahay hiresaka amin'izy ireny amin'ny vavaka mani-pofona an'ny fitiavana sy ny Tenin'Andriamanitra, mba hahafahanay mahita an'ilay farany indrindra, mba hahafahanay mody any an-Trano, ary hiala amin'ity Edenan'i Satana trainainy eto ity, Tompo.

¹⁸¹ Ity dia namboarina eo ambonin'ny fitsiriritana avokoa, ary ireo vehivavy tsara tarehy, araka ny fiantso azy eto amin'izao tontolo izao, miaraka amin'ireo dokam-barony eo amin'izany hoe, "Manao dokam-baratra izahay, ka mila zazalahy ho tonga miaraka amin'ny voankazo nandrahoina eo amin'ny tarehiny, ary zazavavy tsara tarehy manao sorta," ao amin'ny radio sy televizionanay mihitsy; sy ireo karazan-doto rehetra sy rikoriko, ary Hollywood; karazan'akanjo rehetra mampiseho vatana, feno loto, maloto ho an'ny vehivavy. Ary—ary ireo lehilahy simba ka maka an'ireo fitafiam-behivavy, ary manapaka ny volony toy ny vehivavy; ary ny vehivavy toy ny lehilahy.

¹⁸² O Andriamanitra, ora mahatsiravina toy ny inona no iainanay! Oh, avia, Tompo Jesosy, avia! Avia, Tompo! Diovy amin'ilay Rà izahay. Esory hiala aminay ny loto sy ny fahadisoana rehetra. Aoka izahay hiaina, Tompo, aoka izahay hiaina eo ambanin'ilay Rà, mandrakariva, eo Anatrehanao. Izany no fanirian'ny fonay, sy fiangavianay tsotra.

¹⁸³ Andriamanitra Malala, mipetraka eo ambonin'ity lam-... na ireto, birao, izao hariva izao, izay nametrahana ny Filazantsara. Tompo, mipetraka eto ireo mosara sy ireo fonosana kely izay handeha ho any amin'ny marary sy ory. Aoka ilay fivavaky ny finoana, Tompo, no hiboiboika avy ao am-ponay ankehitriny, eo Imasonao. Amin'izay fotoana izay, Tompo, raha misy zavatra tsy madio ao anatinay, Tompo, dia ento ny... ento ao amin'ny fitsarana izahay ankehitriny; ary hiangavy famindram-po izahay. Asehoy aminay izay nanaovanay ratsy, Tompo, mba hahafahanay mangataka, ny handraisana an'ilay Rà ka hanadio anay. Sitrano ireto olona marary ireto ary ataovy tsara izy ireo, Ray, na aiza izany na aiza, na aiza na aiza handehanan'izy ireo. Ho tanteraka anie izany, Ray.

¹⁸⁴ Omeo anay ny finiavana hanompo Anao, ary Ianao irery ihany. Ekeo izany, Tompo.

¹⁸⁵ Ekeo ny fierovana ho an'ireto olona malala ireto izay handeha hody.

¹⁸⁶ Misaotra Anao tamin'ny Nanasitrananao ny olona. Ary ny zanaka kelin-dRanabavy Shepherd sy Rahalahy Shepherd, izay naratra tamin'ny bisikilety, mivavaka aho mba tsy hisy ratsy ho tonga amin'izany; ilay zazalahy kely izay nitaingina ny bisikiletiny, mivavaka aho mba ho tena tsara izy. Misaotra Anao izahay tamin'ny Fanasitrananao an'ireo hafa izay nangatahanay an'izany. "Ary fantatray fa izay angatahanay, dia azonay, satria manana fahatokiana an'ilay Anankiray izay nanao ny teny fikasana izahay."

¹⁸⁷ Omeo anay ny Fahasoavanao, Tompo, ary mamelà anay noho ny fahotanay, mangataka amin'ny Anaran'i Jesosy Kristy izahay. Amena.

¹⁸⁸ Tianareo ve Izy? [Hoy ny fiangonana hoe, "Amena."—Mpand.] Mino Azy ve ianareo? ["Amena."] Marary sy leo ny fanjakan'i Satana ve ianareo? ["Amena."] Mino ve ianareo fa ho tonga izao ilay Arivo taona, ao amin'ilay Arivo taonany; Azy, ilay Edenany? ["Amena."]

¹⁸⁹ Mino ve ianareo fa efa maka endrika ilay izy ankehitriny? Jereo, ny zavatra rehetra dia mifototra amin'ny manam-pahaizana. Ny rehetra, ny zavatra rehetra, dia tsy maintsy voaporofa ara-tsiansa alohan'ny hinoan'izy ireo an'ilay izy.

¹⁹⁰ Fa tsy azonareo porofoina ara-tsiansa Andriamanitra. Mila mino Azy amin'ny alàlan'ny finoana ianareo, "Fa izay manatona an'Andriamanitra dia tsy maintsy mino fa misy Izy, ary mpamaly soa an'ireo izay mitady Azy fatratra."

¹⁹¹ O Andriamanitra, tsy te-hahafantatra na inona na inona afa-tsy ny Ràn'i Jesosy Kristy aho izay manadio ahy amin'ny fahotana. Tsy mahafantatra na inona na inona afa-tsy Jesosy Kristy aho. Ary araka ny nolazain'i Paoly fahiny, no ilazako izao hariva izao hoe, "Tsy mahafantatra na inona na inona eo aminareo aho, afa-tsy Jesosy Kristy irery ihany, ary Izy voahombo."

¹⁹² Izay ihany no fantatro ho lazaina aminareo. Hoe, ity Baiboly ity, no inoako amin'ny foko rehetra (raha fantatro ny foko), ho Tenin'Andriamanitra tanteraka tsy mifangaro. Amin'ny alàlan'Ity no ivelomako. Amin'ny alàlan'Ity no hijoroako. Ary raha manana aina arivo aho, dia tiako ny hanome ny kely indrindra amin'izany ho an'ity Teny ity, satria izany no Tenin'i Jesosy Kristy. Ary tsy ahoako na impiry no hiezahan'izy ireo handiso an'Izany, na impiry hiezahan'ny siansa hilaza fa tsy azo ianteherana Izany, sy ny sisa. Ho ahy, dia Izany no zavatra tokana eto amin'izao tontolo izao izay azoko itokiana, dia ity Teny ity. Ahy Izy. Tiako Izy. Tsy ianareo ve? [Hoy ny fiangonana hoe, "Amena."—Mpand.]

¹⁹³ Raha misy fahotana ao am-ponareo, raha misy fahadisoana ao am-ponareo, raha manana zavatra anankiray ianareo, mivavaha ankehitriny ary mangataha amin'Andriamanitra mba hamela anareo. Mivavaha ianareo ho ahy; izaho hivavaka ho anareo. Andriamanitra hitahy anareo, izany no fivavako.

Mandra-pihaonantsika! mandra-pihaonantsika!
Homba anareo anie Andriamanitra mandra-
pihaonantsika indray!

¹⁹⁴ Mifankatia ve ianareo? [Hoy ny fiangonana hoe, "Amena."—Mpand.] Hoy Jaona hoe, "Rankizy madinika, mifankatiava ianareo." "Mifankatiava ianareo, fa ny fitiavana manarona fahotana maro." Ankehitriny ndao isika hifandray tànana.

Homba anareo anie Andriamanitra mandra-pihaonantsika indray!
Mandra-pihaonantsika! mandra-pihaonantsika!

¹⁹⁵ Ankehitriny aoka ho tsara fanahy amin'ny hafa. Aoka ho tsara fanahy amin'ny olona rehetra. Ento tsara ny mpiaramonina aminareo. Hazony tsy hisy pentina ny tenanareo mandra-pihavin'i Jesosy.

...tongotra;
Mandra-pihaonantsika! mandra-pihaonantsika!
Homba anareo anie Andriamanitra mandra-pihaonantsika indray!

¹⁹⁶ Tianareo ve Izzy? [Hoy ny fiangonana hoe, "Amena."—Mpand.] Izany no fivavako. Mivavaha ianareo ho ahy; izaho hivavaka ho anareo. Tsy maintsy hiverina any Tucson aho ankehitriny. Ary izaho—izaho mivavaka mba hitahian'Andriamanitra anareo rehetra. Avy any aho dia ho any Canada, ary hiverina ao Colorado; mihodina, mihodina, mihodina, hitanareo. Mandra-paha . . . ? . . .

¹⁹⁷ Iry Rahalahy Tony, ary nisy zavatra lehibe nitranga. Teo ambanin'i Vatican mihitsy, tany Roma, miantso fifohazana anankiray izy ireo, favoriana anankiray, mba handehanako any ka hitazonako fifohazana anankiray any Roma, any Roma. Vao avy niverina mihitsy izy. Manaiky ny olona rehetra. Manana kianja lehibe anankiray izy ireo, sez a an'arivony sy an'arivony, ary tian'izy ireo aho ho tonga ho an'ny fifohazana anankiray. Tehahita ny voninahitry ny Tompo ao amin'ilay asam-panompoana izy ireo. Tsy fantatro. Tsy maintsy mivavaka ho an'izany aho, hahita izay ho lazain'ny Tompo amiko. Oh, oadray! Tsarovy, mivavaha, isika rehetra miaraka. Isika dia misa . . .

Miandry ny fihavian'ny Mpamonjintsika finaritra isika,
He, ary indro fa manomboka maintso ireo ravin'aviavy;
Lasa nankany amin'ny firenena rehetra ny Filazantsaran'ny Fanjakany;
Ary akaikin'ny farany isika, afaka ho hita.

¹⁹⁸ Marina ve izany? [Hoy ny fiangonana hoe, "Amena."—Mpand.]

Koa faly isika hanambara ny Hafatry ny Fisehoany voatahy,
Tsy ho ela dia ho avy amin'ny voninahitry Izzy, hiteny amin'ny anankiray sy ny rehetra;
Koa mifohaza, ianareo masin'ny Tompo, nahoana no matory nefo akaiky ny farany,
Aoka isika ho vonona ho an'ilay antso farany.

¹⁹⁹ Hiverina avy any andrefana izy ka hitaingina indray, indray andro any, tsarovy fotsiny. Azo antoka fa hiverina izy. Ary marina izany. Mandra-pahatongan'izany:

Raiso eo aminao ny Anaran'i Jesosy,
 Ry zanaky ny alahelo sy fahoriane;
 Fifaliana sy fiononana no homeny anao,
 Raiso izy, na aiza na aiza alehanao.
 Anarana sarobidy (Anarana sarobidy), O tena mamy!
 Fanantenan'ny tany sy fifalian'ny Lanitra;
 Anarana sarobidy, O tena mamy! (tena mamy!)
 Fanantenan'ny tany sy fifalian'ny Lanitra.
 Amin'ny Anaran'i Jesosy no andohalehana,
 Miankohoka eo an-Tongony,
 Ho satrohantsika Mpanjakan'ny mpanjaka any
 An-danitra Izy,
 Rehefa mifarana ny diantsika.
 Anarana sarobidy, O tena mamy!
 Fanantenan'ny tany sy fifalian'ny Lanitra;
 Anarana sarobidy, O tena mamy!
 Fanantenan'ny tany sy fifalian'ny Lanitra.

²⁰⁰ Ankehitriny, eo amin'io andininy farany io, ndao isika hihira azy miaraka amin'ny fontsika miondrika ankehitriny.

Raiso eo aminao ny Anaran'i Jesosy,
 Ho ampinga amin'ny fandrika rehetra;
 Ary raha miangona manodidina anao ny fakam-panahy, (ireo zavatra avy amin'ny fanjakan'i Satana, hitanareo, hitanareo)
 Dia bitsiho am-bavaka fotsiny io Anarana masina io.

²⁰¹ Izay ihany; avy eo dia manalavira. Mety izany. Efa nanandrana an'izany aho. Minoa an'izany fotsiny ankehitriny, satria hety izany. Bitsiho am-bavaka fotsiny ny Anarany masina.

. . . aminao ny Anaran'i Jesosy,
 Ho ampinga amin'ny fandrika rehetra;
 Rehefa miangona manodidina anao ny fakam-panahy, (Inona no hataonareo amin'izay fotoana izay?)
 Dia bitsiho am-bavaka fotsiny io Anarana masina io. (Ho tonga eo amin'ny tarehinareo ilay Fisaronana amin'izay fotoana izay.)
 Anarana sarobidy (Anarana sarobidy), O tena mamy!
 Fanantenan'ny tany sy fifalian'ny Lanitra;
 Anarana sarobidy, O tena mamy!
 Fanantenan'ny tany sy fifalian'ny Lanitra.

²⁰² Ndao isika hanondrika ny lohantsika ankehitriny, raha mangataka an-dRahalahy Beeler iry aoriana iry aho ho avy eto amin'ny lampihazo. [Nanomboka nisamonomonona ny *Raiso Eo Aminoao Ny Anaran'I Jesosy Rahalahy Branham—Mpand.*]

Dia bitsiho am-bavaka fotsiny ny Anarany masina.

²⁰³ Ianao no mampirava anay, Rahalahy Beeler. Ianao no mampirava anay amin'ny vavaka.

Anarana sarobidy,
Fanantenan'ny tany sy fifalian'ny Lanitra;
Anarana sarobidy (Anarana sarobidy), O tena mamy!
Fanantenan'ny tany sy fifalian'ny Lanitra.

²⁰⁴ Ankehitriny miaraka amin'ny lohantsika miondrika, sy ny fontsika miondrika. Rahalahy Beeler, anankiray amin'ireo mpiara-miasa amintsika eto, Rahalahy Estle Beeler, rahalahy Kristiana mahafinaritra, lehilahy mahatoky. Hangataka azy aho raha hampirava ny mpanatrika izy, izao hariva izao, amin'ny vavaka. Andriamanitra hitahy anao, Rahalahy Beeler.



EDENAN'I SATANA MAG65-0829
(Satan's Eden)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady hariva, 29 Aogositra, 1965, tao amin'ny Branham Tabernacle, ao Jeffersonville, Indiana, U.S.A. dia nalaaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2014 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org